

武鄉新志卷之一

垣曲張揚祚耀銘督修

疆域略

古者分疆畫井掌自職方氏典綦重矣武鄉縱貫榆襄之間橫列遼沁之中雖地形磽瘠而襟山帶河關隘重重實亦奧區其廣輪之度經由之數咸拊循四境奠厥攸居者之所必究也顧可忽乎哉作疆域略

疆域 附里鎮 市集 鄉約 山川 關隘

東西廣二百五十里 南北袤六十餘里

面積約五千二百九十餘方里佔全省面積百分之一

東至黎城縣界大界峽八十里至遼縣界松樹坪一百一十里至河南涉縣一百七十里 西至沁縣界康公村二十五里至平遙縣界上店村一百四十里平遙縣治二百里 南至襄垣縣界高嶺莊南二十五里龍王堂三十里少東至襄垣縣治九十里

武鄉新志 卷之一 疆域略

里 北至榆社縣界關壑口北十五里方山村二十里榆社縣治六十里 東南至襄垣界南漳四十里至黎城縣治一百十六里 西南至沁縣界姜村南二十五里 東北至遼縣界鍋窰嶺一百五里遼縣治一百五十里 西北至祁縣界南關北陰廸一百二十里至平遙縣界墓峪頭一百三十里 由縣治至省城三百四十里至北平一千三百五十里

以上擇錄舊志

里鎮市集

里 崇仁里 敦義里 長樂里 韓壁里 攀龍里 皋陽里  
段村里 石盤里 信義里 南關里  
每里分數甲或十餘甲詳見舊志

鎮 段村鎮 湧泉鎮 故城鎮 石壁鎮 石盤鎮 南關鎮

攀龍鎮 洪水鎮 大有鎮 賈谿鎮 監漳鎮 東田鎮

市 本城市 逢一三五七九日集 故城市 逢三六九日集 攀龍市 逢三六九日集



洪水市 逢二五八日集  
 賈谿市 逢三六九日集  
 段村市 逢一三五七九日集  
 石盤市 逢三六日集  
 大有市 逢二七日集  
 監漳市 逢二五七十日集  
 湧泉市 逢二七日集  
 南關市 逢二五八日集  
 石壁市 逢二五七日集  
 以上各市集期俱沿用陰曆

鄉約

舊分一百零八約  
 仁義約 尚賢約 講信約 修睦約 馬莊約 里莊約 古台約 石鼻約  
 松壁約 姜村約 下城約 河南約 賈莊約 八村約 南亭約 連元半約 北嶺二約 攀龍約  
 中村約 石門約 東北嶺約 盤漳約 西川約 東泉約 吳村約 長樂約 祿村約 邢村約  
 聖塘約 東田約 南山約 下合約 五村約 西堡約 洪水約 墨登約 馬堡約 新村約  
 南台約 廣志約 王堡約 石泉約 樹辛約 東溝約 黃崖約 大有約 蘇峪約 東莊約  
 賈谿約 韓壁約 磚壁約 上合約 王路約 段一約半 東村半約 馬牧約 茹村約 西城約  
 祁村約 義門約 西河約 神西約 南溝約 寨上半約 湧泉二約 蒲池約 貞烈約 邵渠約  
 石壁約 南端約 樓則峪約 東黃崖約 圪嘴頭約 張村約 故城三約 樊五科約 信義約 岸北約  
 山交半約 東良候約 北良候約 河北半約 權店約 寨上約 勳歡約 石盤二約 會同約 泉之頭約  
 內儀約 山交溝約 大梁村約 小良村約 高仁約 陳村約 南關約 外九甲約 護甲約 賈封約

武鄉新志 卷之一 疆域

張村四約 西郊約 五峪約 坡底約  
 自民國五年劃區編村鄉約之名遂廢全縣計區  
 三編村八十有四詳區村畧

山川

山脈河流舊志載之綦詳茲僅撮其主要者畧舉於下以節篇幅至有舊志所未列者則詳加考註俾後世有所參証焉

太行山 在縣東一百二十里  
 爛柯山 在縣西山中有五景一閃神崖二鑼鼓洞三馬蹄踪四石棋盤五石藤菇  
 鞞山 在縣署北  
 南山 在縣東南三里  
 天城山 在縣東六十里  
 崇城山 在縣東一百里  
 龍門山 在縣東一百里  
 白馬山 在縣西六十里  
 大界峽 在縣東七十里  
 中方洞 在縣東七十里龍門山界  
 陰廸山 在縣西一百三十里  
 漳水 漳有二曰清曰濁在武為清漳出上黨長子縣為濁漳  
 湍水 即龍舟洞水一源分爲二派其一北流出子洪口入汾曰龍舟水其一南流入漳曰湍水一名甲水

洪水 在縣東六十里出雙峰山從墨磴至洪水鎮合黃岩水經北漳南入漳

龍門水 在縣東龍門山遠近數村食用皆取足焉

以上俱詳舊志

安瀾山 在縣東南二十里山列如屏懸崖數丈

鳳翔山 在縣東南廟嶺西一峯突起插入雲表

堯王山 在縣西石壁村西北上建帝堯廟

山峰山 峰巒秀麗林木參差上有永壽寺山畔有說法台在武城西北百里屬賈封村

東山 在泉之頭村東山勢高聳峯巒翠松陰陳可塔嵯峨亦一方之勝境也陳祝彭有東山記見藝文

東陽山 在縣東土河村形圓如日又踞村東故名

蓬萊山 在縣西蒲田村東北上建廟于山勢高聳四面景色點綴幽雅山腰有池四圍石砌成方形內產五色鯉魚並有藻草葉以荷而小誠一方之勝也舊志載之未詳今補註之

武鄉新志 卷之一 疆域

八角山 在縣西一里山形八角曰轉角四角老山體玲瓏邑人有時往遊焉

靈顯山 在縣西姜村至城一十里

牧羊山 俗名五洞山建山龍神廟紺宮縱橫為一方壯觀在玲瓏山西

樊氏山 在晉同南五里許上建孝文帝廟廟貌莊嚴令人敬畏

天元山 在縣東五十里韓堡村之西北有先天道人寓於此

峪口河 在縣東十五里時有滯淤行人至此輒遠道而行

天池 在湧泉西大可數畝長方形村水皆歸之常年不竭

南溝泉 在南溝村西北分大小二泉村人飲水悉取給焉

分水嶺泉 在分水嶺村人飲水亦取給焉

高岩寺水 在縣西五十里流入漳

臥龍山 在縣東南三十里背接胡營嶺西迎漳水隔河望之甚為可觀

會龍山 在縣東南四十里東泉東南南接襄垣北境山多蒼松翠柏迥脫塵囂遊人恆登覽焉

萬泉山 在石壁村南勢若長蛇松陰覆疊濤聲壯烈誠勝境也

毓龍山 在湧泉村北上建龍王廟院內有井泉水湧出

三壘山 在縣東南三十里臨漳河西面形如鳳翼高冠巒巒景色清曠迥出塵俗邑人超三麒仙說記言之頗詳

佛爺嶺 在縣東土河村孤峯獨秀峻峭雲漢上有石廟廟開四門中登石塔塔上有石佛四面各向門

雙峰山 在縣東學益村絕頂泉湧濤雨飄飄

焦龍山 在縣西松碧村距城二十五里

玲瓏山 在縣西馬牧北山有八景而凸翠峯四脈曲最稱名勝俗名黑龍山

人人山 在晉同西北內有水晶石

常旺山 在小良村南山腰建水光聖母廟廟勢幽靜松林密布長夏居此無異處竹林寺中

連莊溝河 在縣東十五里型村源有二一自榆邑源一自戎家溝源合流五六十里南入漳間多深溪常年水流不涸灌溉最佳

暖水泉 在湧泉鎮南泉從地起長流不竭鎮以此得名

北良候泉 在北良候村福源院前水常不涸

陳村泉 在陳村東南鹿台山下水頗旺陳村石人底二村恆洗濯於此

泉之頭泉 在泉之頭村東水從地起如鼎沸然村人即其地用石砌圍護之上鑿龍口水由口出頗似小瀑布其流味甘供人飲用

關隘

趙家壩在縣之左側爲邑左翼寺壩在縣之右側爲邑右翼其他若關壑口三原山權店南關高嶺陰廻洪水故城石門壘磴以及崇城寨土河寨姜村嶺昂車關等均屬要地險隘天然舊志載之俱詳今不復備註以免複沓而節篇幅

論曰武鄉扼上黨之咽喉夙號雄區惟村舍寥落道路崎嶇山童童而莫供樵蘇水發發而難資灌溉甚且陽侯一怒良沃爲墟自昔已然於今尤烈地勢之困人庸有極乎

區村略

鄉老亭長之制渺乎尙已後世鄉約之設猶存往古遺意然率闔葺飢餓無可稱述自區村之制定然後區隸於縣村隸於區又復村析爲閭閻析爲鄰上下相繫脉絡相通故上者一令既出莫不如身之使臂臂之使指宣條教平爭訟野老村氓胥可以助治理而推庶政詎不盛歟作區村略

第一區 嶺編村三十四

城關編村

東至陽坡聯合村龍王溝十里西至王白堙聯合村連元三里南至魏家窰編村界三里北至下關聯合村三里莊三里聯合李家壩 小松壩 燈盞圪道南角溝 趙家凹 王家壩 當中莊 黃昏坡 小新莊 清江溝 石拐 小東溝等村共分十二閭

魏家窰編村

東至胡家莊聯合村韓莊三里西至王白堙聯合村合尖壩四里南至松莊編村界一里北至城關編村界三里聯合西寨底 白家窰 東坡 楊家壩等村共分十閭

松莊編村

東至嶺頭編村界十里西至王白堙編村界三里南至曹村編村界八里北至魏家窰編村界二里聯合東嶺 蘭家壩 龔家莊 石家壩 吳家壩 西賈莊 東賈莊 鄭家壩 後王家莊 深澤灘 張莊 七里沿等 共分十五閭半

王白堙編村

東至松莊編村界三里西至陽城編村界四里南至曹村編村界七里北至東村編村界八里聯合合尖壩 魏莊 南坡 高家莊 六盤壩 連元等村共分六閭

武鄉新志 卷之一 區村略

陽城編村

東至下城聯合村高莊一里西至沙河頭聯合村姜村二里南至南亭編村界五里北至下城聯合村上城二里聯合武家莊 小新莊 白草壩 史家壩 西河頭 石鼻 郝家壩等村共分十二閭

下城編村

東至東村編村界二里西至話村編村界五里南至陽城編村界三里北至段村編村界二里聯合上城 富莊等村共分五閭

沙河頭編村

東至石鼻編村界八里西至沁縣界五里南至南亭編村界十里北至話村編村界八里聯合半崖 漆樹坡 西嶺上 柳泉溝 東坡上 青龍壩 代照嶺 太平莊 西溝 棗樹莊 關地角 王盤嶺 密長 松壁 成家溝 姜村 郭家壩等村共分十一閭

陽坡編村

東至趙家莊編村界五里南至城關聯合村李家壩三里西北俱至榆社縣境十三里聯合小沿則 王和壩 小窰科 杜家口 小莊 大長沿 楊桃灣 龍王溝 圪道口上西莊 下西莊 馮家壩北溝 化樹長 等村共分十一閭

賈豁編村

東至柳亭郊編村界二十里西至趙家莊編村界五里南至型村聯合村許家壩十二里北至榆社縣境十三里聯合青樓溝 槐樹壩 邢家堡 倪家莊 漢藜坪新莊 胡子溝 上壩 東坡 椿樹壩 靈顯坪 溫家溝 夏家溝 韓道溝 馬村 郭村等村共分十九閭

柳亭郊編村

東南俱至王堡編村界十五里西至賈豁編村界十三里北至榆社縣境五里聯合海神溝 東峯壩 西峯壩 新莊 石泉等村共分七里

李家莊編村

東至胡莊編村界五里西至賈豁編村界五里南至大有編村界八里北至柳亭郊編村界十里聯合溫家溝 大壩 韓家溝 曲則角 下細沿 陳家溝 上王堡 劉家溝 下王堡 張家莊 宋家莊等村共分十二閭

大有編村

東至姚莊編村界口里西至賈裕編村界口里南至許家壩編村界口里北至西中莊編村界口里聯合南莊小寨西崗頭茹家壩洞上石坡莊侯家壩大角溝郝家溝小江嶺梨平胡野溝背莊前張莊井窰脈絡神甘草背小莊石壑上脚淨下脚淨後張莊河西溝楊嶺等村共分二十七間

趙家莊編村

東至型村聯合村峪口五里西至漫坡聯合村界五里南至漫坡聯合村里莊七里北至賈裕聯合村馬村十里聯合連莊溝代家壩桃峪王家壩小莊合德脚田莊陽南頭古臺水泉等村共分十間

型村編村

東至長樂編村界五里西至漫坡聯合村里莊五里南至廟嶺聯合村西嶺三里北至趙家莊聯合村代家壩二里聯合魏家莊紅十溝圪集口泉溝新莊東地誰湍青草角許家壩棗沿石橋溝王和峪李峪壩盤上河西石科等村共分十八間

漫坡編村

東至監漳聯合村中良溝三里西至鄭峪編村界五里南至鄭峪聯合村姚家莊三里北至廟嶺聯合村西嶺三里聯合馬家壩白草則小莊則圪台莊里莊郭家溝武家莊張莊前溝冀家壩等村共分十二間

下關編村

東至城關編村界五里西至東村編村界三里南至王白塋聯合村連元三里北至馬家壩聯合村寺山嶺十二里聯合西溝壩小長沿圪針莊陳家背三里莊牛腰池橋壩唐家莊段家頂樸窰底上關張家溝小吃道興盛壩五里坡南莊十里坡等村共分十間

鄭峪編村

東至漫坡聯合村張庄三里西至胡家莊編村界二里南至漫坡聯合村冀家壩三里北至漫坡聯合村李莊里聯合碾凹後溝新莊蘇鞋凹大甲良溝姚家莊前莊戶家溝馬漢角窰頭馮家壩祿村等村共分十九間

武鄉新志

卷之一 區村略

廟嶺編村

東至型村聯合村河西三里西至鄭峪聯合村窰頭五里南至鄭峪聯合村前莊五里北至型村聯合村東沿六里聯合朱家莊胡家莊後東坡紅十地趙漫坡橋則上西嶺蓋莊麻池溝樂神峪禪窰等村共分十五間

胡家莊編村

東至鄭峪編村界二里西至松莊聯合村七里南至嶺頭編村界四里北至城關聯合村李家壩三里聯合馬家莊梁家莊牛家莊王家壩胡家壩馮壩韓莊堂兒莊寨上馬莊等村共分十二間

嶺頭編村

東至吳村聯合村行道嶺九里西至松莊聯合村王家莊六里南至襄垣界台則上十里北至胡家莊聯合村王家壩三里聯合下嶺漆樹坡腰凹趙家壩劉家壩南高嶺後嶺頭上西村下西村二十里舖楊桃溝小店則姜家莊前嶺頭等村共分二十三間

東皋編村

東至監漳聯合村鼓樓角五里西至吳村編村界五里南至襄垣界前樹根底五里北至鄭峪聯合村五里聯合下平角後樹根底南斗角貫家坡泉背南壩良則角等村共分六間

吳村編村

東至東皋聯合村良則角三里西至嶺頭聯合村南高嶺十二里南至襄垣界田家坡三里北至嶺頭聯合村楊桃溝五里聯合老松溝西壩窰科餘盛莊行道嶺斜道溝圪針莊董家溝等村共分十間

南亭編村

東至松莊編村界十里西至沙河頭編村界五里南至沁縣境十里北至陽城編村界五里聯合莊溝郝家莊晏家壩山陽壩等村共分十間

曹村編村

東北俱至松莊編村界四里西至陽城編村界三里南至南亭聯合村暴家嶺四里聯合黃栢嶺東溝 松林底 高邱塢 興盛塢 柳圪槽 王家窰 西溝 白草坡等村共分十二間

東村編村

東至王白堽聯合村連元五里西至段村編村界二里南至王白堽聯合村魏莊一里北至段村聯合村胡家塢二里共分六間

段村編村

東至下關聯合村張家溝八里西至蔣村聯合村白芽五里南至澗水三里北至蔚家渠聯合村王路書耐兩界約五里聯合胡家塢 紅土窰 小莊則 胡莊舖 平家溝 張家塢 元宏 南村 朱家

蔚家渠編村 瓦窰科 胡莊等村共分二十二間

蔚家渠編村

東至下關編村界十里西至寨上編村界三里南至段村編村界五里北至馬牧編村界二里聯合胡家塢 王路 趙莊 書耐王家溝等村共分八間

馬牧編村

東至下關編村界十里西至寨上編村界二里南至段村編村界五里北至牧羊山七里聯合青山嶺 長慶村 長慶四 型莊等村共分十一間

寨上編村

東至馬牧編村界二里西至湧泉編村界五里南至蔣村聯合村四裡三里北至圪嘴頭編村界十三里聯合峯溝 黑營 神前 西河 義門 南溝 裡莊等村共分十六間

蔣村編村

東至上城編村界四里西至澗水界三里南至沙河頭聯合村姜村三里北至蔣村編村界四里聯合廟坡 雨溝 松樹莊 東塢 馬圈溝 白芽 西城等村共分十二間

窪裡編村

東至蔚家渠編村界五里西至沁縣澗水界口里南至蔣村編村界八里北至寨上編村界口里聯合蔣村 何家莊等村共分八間

下北漳編村

東至襄垣楊家嶺界五里西至監漳編村界五里南至襄垣南漳界三里北至監漳聯合村北社三里聯合楊桃灣 西川等村共分十二間

胡巒嶺編村

東至攀龍聯合村型塘十里西至型村聯合村李峪五里南至監漳聯合村北社三里北至大有聯合村小江嶺十二里聯合西坡 東嶺 活寨坡 西莊 南頭溝 鹽土 姜家莊 羅全 井溝

武鄉新志

卷之一 區村略

倒行溝 侯莊 范管坪 大活莊 小活莊 郝家溝 姚莊 下型塘 陌峪等村共分二十間

監漳編村

東至下北漳聯合村楊桃灣二里西至鄭峪聯合村前莊五里南至襄垣界北五里北至廟嶺編村界七里聯合泉江 胡家塢 圪洞溝 背角則 前中良溝 觀莊 花蓮脚 武家嶺 中申良溝

石牛泓 洞則上 橋溝 成家莊 南莊 鼓樓角 北社 樂家坪等村共分二十七間

第二區 領編村二十八

攀龍編村

東至皮堽聯合村柳溝八里西至胡巒嶺聯合村范管坪五里南至北至上合編村界八里北至白家莊編村界二里聯合奶奶凹 沿家莊 火石 老四 小西嶺 梨樹嶺 上型塘 侯家塢 王家塢

道 高家嶺 河不稜 大塢 蜂坡等村共分十八間

白家莊編村

東至皮堽編村界五里西至胡巒嶺聯合村姚莊九里南至攀龍編村界二里北至東溝聯合村韓廣八里聯合韓家塢 牛家嶺 秦家塢 老中塢 郭家塢 苗杜 李家 道場坪 團松 團松寨

吳家嶺 小西溝 大西溝 西溝嶺 狼臥溝等村共分十八間

皮堽編村

東至大陌編村界九里西至白家莊聯合村韓家塢四里南至白家莊聯合村牛家嶺 里北至石家凹里聯合東灣 山角坡 大圪塢 季家嶺 棗樹莊 祥良 柳溝 溫莊 東莊等村共分十五間

東溝編村

東至白家莊聯合村韓家塢五里西至大有編村界十五里南至白家莊聯合村團松五里北至樹辛聯合村栗家溝十里聯合確白背 楊樹脚 路家庄 王莊溝 西窪 楊坡 廟凹 漢廣 石板

新莊等村共分十四間

西中莊編村

東至廣志村界五里西至大有編村界十里南至東溝編村界十里北至胡莊編村界里聯合龍門

營窩 後太子池 上細墾 姜家井 李家井 四等村共二十一間

中村編村

東至黎城界五十里西至皮墾聯合村山角坡五里南至皮墾聯合村溫莊七里北至東莊聯合村新寨

六里聯合大井 寨瑤 尖山頂 郭家庄 席家嶺 塢上 關家塢 七樹凹 南响黃 北响黃 坪頭 義安村 溫水 楊李支 砂坡 芝麻角 杏樹墾 蒙家溝 神南 蕭家嶺 南壩 韓登 下寨 柳樹墾等村共分二十七間

東田編村

東至黎城界里西至西堡編村界二里南至南山聯合村橋南二里北至韓壁編村界三里聯合中內

頃 朝陽街 李坪 固村 楊桃嶺 松嶺 槐樹灣 簡凹 大小菓埠 車凹 喬家溝 嘴即 南河坡 蘇嶺 人家山 小李家角 荒崑角 老荒角 燒高角 稔地溝等村共分十三間

西堡編村

東至東田編村界二里西至王家峪聯合村菓墾塢五里南至南山聯合村橋南三里北至韓壁編村界五里聯合內頃西庄共分一四間

南山編村

東至黎城界里西至襄垣界里南至襄垣界里北至東田編村界三里聯合橋南 菓凹 坪上 嶺則 朱家山 北洪村 小石坡 挖柳 棗林角 樹樹塢 熟凹 橫嶺 蛤蟆凹 牛家嶺 葦

池等村共分十間

土河編村

東至黎城界四十里西至韓壁編村界四里南至東田聯合村李坪八里北至磚壁編村界三里聯合大

坪 小坪 德則角 刀把嘴 懸窰山 小嶺山 官牛角 南塔 稱勺角 吃桃角 好姑廟 土河坪等村共分十三間

武鄉新志 卷之一 區村略

磚壁編村

東至黎城界里西至大陌編村界八里南至土河編村界六里北至大陌聯合村南山

韓壁編村

東至土河編村界七里西至北上聯合村窰上溝五里南至東田編村界三里

上合編村

東至韓壁編村界三里西至胡槽聯合村下型塘七里南至王家峪編村界三里北至

下合編村

東至王家峪聯合村南上合三里西至襄垣花暴拐三里南至襄垣城底三

王家峪編村

東至西堡編村界八里西至下合聯合村西塢三里南至下合聯合村菓嶺五里北至

石甕編村

東至黎城界里西至大陌聯合村石門十五里南至大陌聯合村南山頭十里北至中村聯合村南塢

大陌編村

東至石甕聯合村郊口十三里西至皮墾聯合村溫莊五里南至磚壁聯合村史家嘴

洪水編村

東至蘇峪編村界三里西至范家嶺編村界五里南至東莊編村界八里北至白和編村界八里聯合大

蘇峪編村

東至黎城界五里西至廣志聯合村長塢五里南至洪水聯合村董家莊三里北至白和編村界三里聯

望鹿頭 蘇峪溝 等村共分十三間

董家莊 柳樹墾 等村共分十四間



白和編村

東至黎城界十里西至南台編村界五里南至洪水編村界八里北至馬堡聯合村曹家坡五里聯合村

南台編村

東至白和編村界五里西至榆社縣界里南至范家嶺聯合村洞明上七里北至遼縣界十里聯合村南台寨九龍寺井灣下北台上北台青翠壩九龍凹朱家壩等村共分十三閭

馬堡編村

東至白和聯合村合家壩七里西至南台聯合村下北台八里南至白和聯合村新村七里北至墨磴編村界三里聯合南背羊圈南坪麥疇嶺戈北坪曹家坡等村共分九閭

墨磴編村

東至遼縣界十里西至遼縣連壁村八里南至馬堡編村界三里北至遼縣溫城八里聯合河神壩岩凹雁過壩鑄鑿石圪堦南山等村共分十閭

上廣志編村

東至洪水編村界八里西至胡莊聯合村上王嶺五里南至南台編村界八里北至范家嶺編村界五里聯合長堦韓青壩蔡嶺壩前後郝家嶺三角河南嶺半坡下廣志等村共分十二閭

胡莊編村

東至廣志聯合村三角河十六里西至李家莊聯合村下王堡十五里南至李家莊聯合村劉家溝三里北至榆社縣蘇地壩三里聯合宋家莊上黃岩螞蟻圪道下石壩杏樹壩大岔溝黃岩

趙家壩 上下嶺 道場 莊溝 嶺上 下細堦等村共分十三閭

范家嶺編村

東至洪水編村界五里西至聯合村桃家溝七里南至聯合村花尖凸五里北至廣志聯合村郝家嶺里聯合西溝洞明上楊家莊先生坡南頭村小蘇壩菜樹莊墨頂廟麥香嶺大

西嶺白楊嶺等村共分九閭

東莊編村

東至顯王編村界五里西至范家嶺聯合村西溝七里南至中村聯合村下寨五里北至洪水聯合村寨坪五里聯合小西嶺西坡季家庄石家凹鵝頭新寨等村共分十閭

武鄉新志

卷之一 區村略

九

顯王編村

東至黎城界二十里西至東莊編村界五里南至中村聯合村北响黃七里北至白和聯合村當城十里聯合左會灣則窄圪浪新莊泉河孟家嶺窰灣拴馬胡家嶺梨樹庄斗翻坡等

村共分十一閭

第三區 鎮編村二十二

故城編村

東至邵渠編村界五里西至五輪編村界八里南至沁縣南澗水三里北至信義編村界七里共分十閭

邵渠編村

東至山交溝編村界七里西至故城編村界五里南至沁縣南澗水五里北至岸北編村界五里聯合獅則溝山交茅莊閻家莊北澗水高寨寺等村共分十一閭半

岸北編村

東至高仁聯合村西渠七里西至信義編村界十里南至邵渠聯合村高寨寺三里北至北良侯聯合村灰嘴十里聯合石人底常家莊東良侯等村共分十二閭

山交溝編村

東至湧泉聯合村常家壩四里西至岸北村臥龍山界八里南至邵渠聯合村山交二里北至高仁編村界十一里聯合大沿溝溫家溝康家沿李家壩等村共分十三閭

湧泉編村

東至寨上聯合村黑營八里西至邵渠聯合村山交八里南至沁縣古台河三里北至小良村聯合村田家溝十三里聯合灰樓溝石槽溝蒲池馬家峯溝莊頭周家坡底常家壩等村共分

二十 一閭

高仁編村

東至小良村聯合村南溝五里西至岸北聯合村東良侯十里南至湧泉聯合村蒲池六里北至會同編村界十五里聯合西渠大梁村馬蟻壩棗嶺西郊溝梨樹莊陳村溫家莊莊裡等

村共分十八閭

信義編村

東至岸北聯合村槐坊塔五里西至五峪聯合村羊公嶺五里南至故城編村界五里北至北良候聯合村西良候五里聯合河北 大寨 南嶺坡底 蒲池溝 保安莊等村共分九閭

會同編村

東至泉之頭編村界五里西至玉品編村界六里南至高仁聯合村溫家莊七里北至石盤聯合村南溝八里聯合長諸 南家溝等村共分八閭

石盤編村

東至榆社縣下赤峪五里西至玉品聯合村石塔三里南至玉品編村界五里北至榆社縣前莊五里聯合暖水頭 牛家嘴 南溝 李家溝等村共分七閭

玉品編村

東至泉之頭編村界五里西至汾水嶺聯合村岩莊十五里南至信義聯合村善峪十里北至祁縣界二十里聯合南寧頭 善莊 南溝 坊梁 後溝 水洞溝 盤家嶺 牙廷溝 五世溝 四達溝

北坂坡 官家嘴 侯家溝 石塔則 坡角底 內嶺 胡莊 化嶺 十八盤 外丈牛坡 裡丈牛坡 馬圈堂 北峪等村共分十三閭

泉之頭編村

東至榆社縣偏良莊三里西至會同編村界五里南至會同聯合村南家溝五里北至石盤聯合村南溝五里聯合 向陽等村共分五閭

圪嘴頭編村

東至榆社縣任家壩八里西至小良編村界十里南至馬牧聯合村聖莊二十里北至榆社縣金殿村十里聯合樓則峪 狼臥溝 張村 東河 嶺南 東黃崖 西黃崖 神西 石壁等村共分二十三閭

小良村編村

東至圪嘴頭聯合村神西四里西至會同聯合村長諸十五里南至湧泉聯合村板橙溝十里北至會同聯合村二郎山八里聯合趙卜峪 南溝 田家溝 元則溝等村共分五閭

權店編村

東至五峪編村界五里西至狗窩十三里南至沁縣走馬嶺二里北至分水嶺聯合村五里舖 里聯合虎峪 樊家五科 西灣 陳家溝 寺溝 小寨溝 河溝 拴馬嶺 寨上 良候店 嵩溝 馬

閣溝 榮則溝 勳 歡等村共分十一閭

分水嶺編村

東至權店聯合村樊家五科二十里西至樓則底編村界十里南至權店聯合村勳歡二十里北至土門編村界五里聯合毛兒尖明河崖 達蠻溝 五里舖 南峪 泉則溝 岩莊 北茅莊等村共分八

武鄉新志

卷之一 區村略

土門編村

東至玉品聯合村水洞溝 里西至樓則底編村界七里南至分水嶺編村界七里北至祁縣界二十里聯合孫家嶺 秦王頭 小后凹 交泥池 坊塔兒 官地 達對溝 河底 喬家凹 柳背 喬

家嶺 北旺村 司 莊等村共分六閭

南關編村

東至祁縣田莊七里西至石門聯合村西郊 里南至土門編村界二十里北至祁縣界牌五里共分六閭

石門編村

東至土門編村界二十五里西至平遙縣界十里南至樓則底編村界十五里北至南關編村界十五里聯合莊則 前大灘 後大灘 西郊南山頭 前莊 武家山 彭家山 活家山 後莊 石園園

廳家會俊家山 等村共分八閭

賈封編村

東至樓則底聯合村窟則峪十二里西至平遙縣界七里南至樓則底聯合村安寨十五里北至樓則底聯合村石質十三里聯合康家莊 孔子峪 郭家溝 五鳳等村共分三閭

樓則底編村

東至分水嶺編村界七里西至平遙縣界十里南至沁源縣界二十里北至賈封聯合村康家莊六里聯合窟底溝 張家莊 院家莊 墨神溝 南村 安寨 斜坡 石質 池牙店等村共分五閭

五峪編村

東至故城編村界八里西至權店編村界七里南至沁縣界六里北至信義聯合村南嶺坡底七里聯合河底 磨裡 郭家莊 孟樓溝 陽公嶺 蘇塘坪 磨則山 南溝等村共分十三閭

北良候編村

東至高仁聯合村西郊溝五里西至權店聯合村西灣五里南至信義聯合村大寨四里北至玉品聯合村南溝五里聯合北寨 善峪 灰嘴 上莊 朱泉溝 李家山 大水峪 連家山 范家凹 西

良候 西寨等 村共分八閭

區公所

第一區區公所附設本城警察所第二區區公所設洪水鎮九龍廟第三區區公所設故城鎮大雲寺

村公所

各村長於主村各設村公所以理村事大部就舊有廟宇潔治一室從事創建者甚不多見

息訟會

附設村公所村民有爭執由村長協同公斷員出為排解鴉鴨之爭雀鼠之訟往往消滅於無形行之數年頗著成效

保衛團

編一村之壯丁以為團農隙時延師訓練增進其自衛之技能初鄉民未明本義嘗懷畏縮近則智識漸啓加略漸豪頗多守望相助之功

村禁約

本官廳功令參以各該村習慣訂立禁約懸示村衆奸偽斂跡馴良以安其利賴止無涯際非具文也

論曰區村之制仿於東瀛其意至良其法甚美固為文明進化之階級抑亦村本政治之要素也當茲完成革命之時政令推行速於置郵苟非層層節制何以朝令而望其夕施乎此 閣總座有言促北伐之完成肯歸功於區村之制也今者各省統一實行中山救國之主義其堪為施行新猷之基礎者已不開大輅椎輪之始乎嗚呼盛矣

# 賦稅略

任土作貢則壤成賦古今之通義也第武鄉地瘠民貧三晉稱最僅恃一夫數畝藉以自給乃荒歉既遭於連年賦稅或加於額外蚩蚩之氓何以處此當軸者斟酌而劑調之則為幸多矣作賦稅略

## 田賦

田賦丁徭在昔之增減分合悉載舊志截至乾隆五十五年計民田民軍屯田共三千九百六十五頃八十一畝五分一厘五毫六絲共丁徭地糧銀一萬五千兩四錢九分八厘二毫六絲六微五纖五沙四塵三渺二埃五漠內地差銀四百三十七兩六厘四毫八絲六忽匠改歸軍屯銀二十八兩四分三厘價銀四十四兩一錢軍屯米一百六十八石四合一勺八抄六撮四圭四粒三粟屯豆九十二石一斗二升二合九勺九抄七撮二圭二粟

道光四年奉文地差丁徭一併歸入地糧

光緒五年知縣吳匡於大稔後查出荒地若干轉奏准永遠豁免正糧及民軍屯糧銀三百零六兩一錢二分六厘八毫米二石三斗一升五合七勺八抄豆四石三斗三升

## 武鄉新志 卷之一 賦稅略

九合六勺五抄

光緒五年上諭(上路)武鄉縣馬堡等四十九村開荒地八頃八十五畝二分六厘五毫每年應徵糧銀三百零六兩二錢二分六厘八毫米二石三斗一升五合七勺八抄豆四石三斗三升九合六勺五抄著自光緒五年上忙起永遠豁免見續志騰黃

光緒二十七年奉文每糧銀一兩帶徵畝捐銀一錢五分一厘五毫

民國元年實徵地糧銀一萬四千六百六十六兩三錢四分二厘畝捐照前帶徵改歸軍屯銀

二十八兩零三分匠價銀四十四兩一錢軍屯米一百六十五石六斗八升八合四勺屯豆八十七石七斗八升三合三勺

民國三年每糧銀一兩改征大洋二元附征畝捐洋二角徵收費洋一角計糧銀一萬四千六百六十六兩三錢四分二厘共折徵洋二萬九千三百三十二元六角八分四厘附畝捐洋二千九百三十三元二角六分八厘征收費洋一千四百六十六元六角三分四厘改歸軍屯銀二十八兩三分匠價銀四十四兩一錢每兩各改征洋二元共折征洋一百四十四元二角六分每米一石改征大洋三元每豆一石改征大洋一元八角每米豆一石附征收費洋一角五分計米一百六十五石六斗八升八合四勺豆八十七石七斗八升三合三勺共折征洋六百五十五元零七分五厘附征收費三十

八元零二分一厘

按清末於額徵之外另加耗羨民國三年改徵大洋實連同耗羨在內又清時漕餉造絹種稻上解銀項均在以上一萬四千六百六十六兩餘之內其名稱不備列

民國四年五月奉文每糧銀一兩附征賠款洋二角

民國七年呈准每糧銀一兩附徵區款洋一角

民國八年奉文將棗窪村全劃歸武鄉管轄隨來地糧四錢七分一厘

民國十四年呈准每糧銀一兩附徵警款洋一角

民國十六年因修築汽路佔邑境民地二百九十三畝六分三厘計該免糧銀一十三兩五錢九分八厘屯米五合三勺業經縣署具文詳報

以上合計該實徵糧銀一萬四千六百五十三兩二錢一分五厘折徵大洋二萬九千三百零六元四角三分附徵畝捐洋二千九百三十元六角四分三厘賠款洋二千九百二十元六角四分三厘徵收費洋一千四百六十五元三角二分一厘區費洋一千四百六十五元三角二分一厘改歸軍屯銀二十八兩零三分折征洋五十六元零六分匠價銀四十四兩一錢折征洋八十八元二角軍屯米一百六十五石

武鄉新志

卷之一

賦稅略

十三

六斗八升三合一勺折徵洋四百九十七元零四分九厘屯豆八十七石七斗八升三合三勺折徵洋一百五十八元零九厘米豆征收費三十八元零二分除警費區費徵收費外共上解三萬五千九百六十七元零三分四厘

按民國十六年呈准十七十八兩年各於每糧銀一兩內附加補助地方公款洋五角又民國十七年奉文十八年內每糧一兩附加北伐附捐洋一元以一年為限附志備考

民國十六年奉財政廳賦稅數目表計田賦項下多列七百餘元經縣知事張揚祚代電呈明此係坍荒地糧在光緒初早已奏准永遠豁免等情田賦數目始得釐正

留支

行政經費 每月大洋六百四十元

監獄經費 每月大洋一百零七元

稅捐

酒 課 在昔每年徵銀六兩二錢民國八年奉文免徵

當 稅 每號年徵大洋五十元

契 稅 賣契按百分之六典契按百分之三又各加省地方款百分之三抽徵照

收起解年無定額

礦稅 自民國九年七月起招商包收包額約二千元

商稅 自民國六年三月起招商包收

牙稅 自民國十六年起招商包收包額約二千元

菸酒稅 自民國六年六月起歸於酒支棧徵收

屠宰稅 自民國八年起招商包收連同附加包額約九百元

畜稅 自民國六年三月起招商包收連同附加包額約一萬二千元

印花稅 除去經手費百分之十五實銷實解

斗捐 自民國六年三月起招商包收包額約四千元

菸酒牌照 自民國十六年起招商包收包額約六百元

皮毛產稅 民國十四年起招商包收包額約一千元

開收規費 每套收錢二百文照收起解

按以上包額均係民國十六年份約畧之數

武鄉新志 卷之一 賦稅略

縣地方公款

附加警款 每地糧銀一兩附加洋一角計總額一千四百六十五元三角二分一厘

附加區款 每地糧銀一兩附加洋一角計總額一千四百六十五元三角二分一厘

附加差徭 每地糧銀一兩附加錢六十文總額約大洋一百九十元

學款生息 年利洋約三百八十元

公款生息 年利洋五百四十元

第四高小校 基本生息 年利洋約九十元

舖捐 每年大洋五百元

里捐 每年大洋二百一十六元

屠捐 每年大洋九十八元

靛捐 每年約大洋一十八元

戲捐 每年約大洋三百元

騾駝捐 每年約大洋四百五十元

當捐 每年大洋一百元  
 牙捐 每年大洋二十四元  
 公益捐 每年約大洋四千元  
 婚帖捐 每年約大洋三百元  
 雜捐 每年約大洋一十五元  
 學校地租 每年約大洋六百元  
 廟租 每年約大洋五十元  
 公地租 每年約大洋一百六十元  
 牙行公款 每年約大洋五百元  
 畜稅票錢 每洋約大洋二百元  
 契紙附加 每年約大洋七百元

按以上各款多屬年無定額茲姑依照十七年度預算表填列  
 倉儲

武鄉新志 卷之一 賦稅略

常平倉 現儲穀一千零六十六石二斗二升七合八勺  
 義倉 現無儲存  
 社倉 現儲穀一千五百零九石  
 豐備倉 現儲穀五千二百三十五石一斗六升五合  
 以上共儲穀七千八百一十石零三斗九升二合八勺分貯城內及西鄉故城鎮東鄉洪水鎮

按武鄉倉儲在昔之或盈或虧悉載舊志至清末出納增減又屢有變遷第以案卷久經淪失其詳已難盡考茲僅就民國十六年現存之數填列

村社倉 民國十二年奉省令遵照省議會修正勸集社倉簡章勸令民人按地出穀以成斯倉分貯各編村計第一區各村共貯穀二千零八十七石二斗二升五合七勺第二區各村共貯穀一千九百五十五石零六斗五升二合第三區各村共貯穀一千四百一十六石九斗零七合內有舊儲穀四百石有奇 合計五千四百五十四石七斗八升四合七勺

論曰催租到門至使賦滿城風雨近重陽者敗興而不終篇賦稅困人豈獨武鄉一邑

然哉惟我武以彈丸黑子處崇巖絕巘之間童山石田十而六七乃篲扑不聞而賦無  
逋欠此其風爲獨厚其情倍可憫矣所幸革命功成大事底定用一緩二之政或可再  
睹於今日是非吾人所引領以望者乎

武鄉新志

卷之一

賦稅略



### 丁役略

戶口之盛衰關乎國家之隆替溯自計丁派徭以來丁數之究詰為難民以計脫官以巧增紙上之空文遠非丁口之確數迨丁徭攤入地畝然後丁自徭而徭自徭雖廳名失實然調查上之難易前後不相侔矣武鄉近年丁口之盛倍蓰於清之中葉寧非幸事惟當此軍鼓頻興之日差務紛繁輸糧任役奔命不遑誠有所謂聲嘶力竭脂血為乾者聞之善御馬者不窮馬力休養調劑不容或緩是則不禁一為方請命者也作丁役略

#### 戶口

武鄉在清康熙以前戶丁之增減舊志載之甚詳康熙五十一年實有一萬二千二百九丁康熙以後無考焉鼎革後逐細編查始有實數可稽民國元年

二萬一千八百六十戶

丁口一十萬零四千二百五十四

男五萬七千八百八十六丁  
女四萬六千三百六十八口

民國十六年

### 武鄉新志 卷之一 丁役略

十七

一萬八千一百二十戶

丁口一十四萬二千三百八十四

男七萬九千零一十四丁  
女六萬三千三百七十口

#### 徭銀

清乾隆二十三年及道光四年先後將丁徭銀盡攤入地糧詳見舊志及本志賦稅畧

#### 驛站

原於縣西設舖舍十處並設權店南關二驛南關驛向係遼縣供應榆社縣協濟之清乾隆二十一年併歸武鄉光緒間郵局徧設驛站之制遂廢權南二驛均改為差徭局權店差徭局 設正副局紳各一人差務員協理員各一人局夫五名遇差務繁緊添臨時局夫二名

南關差徭局 設副局紳一人書記一人局夫二名

臨時駐攀差務處 每逢軍隊由縣東過境縣署酌派辦差人員前駐攀龍村公所支應差員差夫隨差務大小而定事畢即行解散

案攀龍向不支應兵差自民國十四年遼關一役奉令權行支應嗣後兵隊往來罔不隨所過而供給之糜費浩大官民交

困邑紳段雨田等會將困苦情形具實上呈原呈呈為呈請轉呈豁免東鄉差徭事竊查武邑向設權南兩差徭局州府費繁

困難多端已屬力有未逮前已呈明在案前清權店另設捐局俗謂驟權專收車驟捐以備支應流差後歸併一所名差徭局人即誤認差徭局係收捐之地亦即支應差務之地東鄉洪水鎮亦設驟權以壯城內流差或稱南特別兵差嗣經裁撤民國元二年縣議會為收款計東鄉樂洪兩鎮亦設差徭局流弊多端旋即裁撤四五年後前任縣長又設未經會議既而又裁乃不知何故於十年而後間有由東鄉樂洪兩鎮長代支應流差之車款由縣署領取遼戰之時兵差終歸紛繁地方不敢遣軍機由官紳議定樂洪兩鎮設立支差局戰事終止此局裁撤而兵差流差過東鄉者仍僅由樂洪兩鎮支應此實誤也竊以遼縣邊境距襄垣西營鎮七八十里耳應由遼送襄垣武邑則差徭兩處已虧累不支何能再事多設且村公所實非差徭局何得責成支應本年預算入不敷出者大鉅現狀無法維持惟有呈請縣長轉請省長俯賜體恤轉飭兵差流差並襄垣遼縣免向武邑需索支應以免虧累而昭公允不勝迫切待命之至蒙閣督辦飭冀甯道派視察員朱增蔭查覆查文呈為呈覆車案查前奉鈞署財字第一五四號行知飭查武鄉縣應辦差徭有無支應或裁撤之必要等因奉此道尹遵即派委視察員朱增蔭前往該縣確查去後茲據該員查明再稱委員奉命遵即馳赴武鄉縣切實查詢查得該縣分設局經理段雨田所辦各節均屬實情在遼戰以前樂洪並無差徭之設經行流差或由村長代支遼戰終止後樂洪差徭局即由該縣自行裁撤但來往流差現無由樂洪兩村長代支之必要該縣西路之權店南關城內等處均有差徭局近年三處耗費頗巨人民負擔力有難支此後樂洪若仍代支流差不惟苦樂不均抑且多費手續委員察看樂洪距遼縣九十里樂洪距襄垣縣七十里共計自遼直達襄垣僅一百六十里耳我省差徭路線經過此數者亦有數處(如石樓距汾陽一百八十里中途雖經濕縣地仍由石樓直接送往汾陽又如中陽距石樓二百二十里仍係直接送往如離石距汾陽一百八十里亦係直接支送等

# 武鄉新志

## 卷之一

### 丁役略

是)以此推定襄遼距離並非遙遠將來直接互送亦非奇舉且襄遼各增差費無幾絕無支應之難兩縣協力支辦實與舊規相符尚可稍減武邑人民負担至將來大兵兵差仍須武鄉暫雇駛車輛等等先期派人前往樂洪守候支應總之武鄉東路之流差無庸樂洪再支而大宗兵差仍須武鄉縣臨時派人前往樂洪辦理如平變通各得其平亦可永無偏枯之患矣以上各節如蒙採擇即請轉飭遼縣襄垣武鄉等縣按照辦理愚昧之見是否有當伏乞察核施行等情據此道尹復核該委所查尚屬詳細樂洪雖向無差徭而經行流差該村長實有代為支應情事確係當日之誤襄遼相距既係匪遙若令直接互送該兩縣差費所增無幾而武鄉負担即可減輕此後樂洪似無支應流差之必要暫時即可裁撤惟將來如遇大宗兵差武鄉地當兩縣之間再行責令就近支應以期簡便似此變通辦理非但可免偏枯之弊且可隨時不誤軍機所有派委查明武鄉縣請豁免東鄉差徭及擬議各緣由是否有當理合備文呈覆伏乞察核施行旋蒙閣督辦批准凡有小數流差經過樂洪無庸支應等語十六年正月復蒙閣督辦電令榆社徵集驟騾一百五十頭來武協助支差原電武鄉縣知事覽茲發給長治彈藥庫各種彈藥第一批於本月五日由省出發需大車五十輛第二批於本月七日由省出發需大車五十輛武鄉縣驟騾不敷用准由榆社縣每批各幫給一百五十頭由權店至沁縣所需驟價着武鄉縣照章發給除電榆社縣知事遵辦在權店接差並電沿站外仰即遵照按站支差事關軍務勿得稍延督辦閩東印務仰觀段雨田原文暨道視察朱增蔭查文我武支應兵差之苦榆社襄垣諸鄰封應從中協助之而當軸者亦亟宜設法維持者也乃榆社自此一助之後凡軍隊過境一夫一卒悉遣自縣署一騾一驢或迫致於數百里外且沿路如洪水東莊墨巖等村凡兵士經過往往晝索餐夜投宿村疃無知輒自相驚擾苦樂不均殊浩嘆

論曰武鄉當元至元間戶止七百而縣治不立明清以還縣治雖立戶口雖增而蕞爾

一邑或迫於丁徭或疲於驛站甚或交困於兵流差而無所休養支應如此繁難人民無力擔負體恤元元早定大局惟賢執政是賴焉

武鄉新志

卷之一

賦稅略

十九

### 禮俗略

華樸關乎士習豐尚本諸民風斯固因地各殊亦隨時升降者也武處萬山之中在昔民儉而近尚士樸而守舊今則稍異於前矣竊謂奢儉中禮華實並茂盛世之民當如是也若夫奢而流於浮靡華而流於放誕則失之矣作禮俗略

鄉儀

### 冠

古禮久廢惟女子於于歸日始加笄猶畧存古人遺意

### 婚

初議婚男家求親友為媒往來通言定婚日兩親家各立婚証書由媒往來相易並各設席讌媒俗名許親 將娶擇吉納聘聘金在昔甚屬無多近則所增甚劇家愈貧者其數愈巨有多至二三百元以上者雖屢經官廳嚴行取締迄未禁止習俗移人牢不可破殊堪浩歎 娶之日婿家備彩輿迎新婦至婿出門迎入並立行禮謂之拜天地次行交拜禮 大部行拜跪禮近士紳家亦有代以鞠躬者 然後入洞房行合巹禮次晨拜祖先祠拜

### 武鄉新志

### 卷之一

禮俗略

一十

### 喪

舅姑親迎奠雁諸禮亦間有行之者婚期必以吉惟除日嫁娶無所忌俗名趕亂歲殮之日孝子孝婦成服擇日送魂族中長幼畢集並訃聞戚友戚友皆以香楮致奠薦紳之家或擇吉開奠舉行家禮不必拘定第三日也棺槨衣衾視家之有無竭力購備大抵送死厚於奉生猶合慎終之義向日往往以家貧難葬淹柩以待近則此風漸稀葬時多以味且前一日延請僧道諷經識悔富者延賓題主指禮亦於前一日或前數日行之鄉俗多自相集合為老人會其法會友有親喪則各出資若干 錢自數百文以至一千文各會均有定數 以助他會友有喪時亦如之法簡而易行貧家藉以集事

### 祭

士紳家建立家祠以時致祭陰曆元旦端午中秋重九各薦時食逢忌辰誕辰皆特祭清明節及陰曆十月朔日則各行墓祭其無祠者或祀于寢或祀於墓歲時不廢冬月墓祭恒取五色紙重重摺疊於塚前燒化謂為送寒衣

### 慶弔

高年碩德親友各以詩文爲壽生子則以鎖鈴等物相餽遺娶者餽以財物謂之喜禮嫁者餽以衣飾謂之添粧有喪致賻儀各隨厚薄爲助大抵風尚淳厚不斤斤於浮麗

### 新制

新式婚喪諸儀節尙未通行附錄於後備關心風化者之採擇焉

### 附新婚禮

新郎着大禮服禮帽革靴

新婦着粉紅色衣裙以白紗蒙首手執鮮花一綵

女引導員及送嫁女童服華美衣均手持鮮花一綵

司儀員登臺宣布禮節（奏樂）

男賓入席

女賓入席

證婚人入席外向立

介紹人入席東西對立

主婚人入席外向立

## 武鄉新志

### 卷之一

#### 禮俗略

一一一

新郎新婦入席男右女左內向並立

行結婚禮新郎新婦相向三鞠躬

證婚人爲新郎新婦交換飾品

新郎新婦於結婚証書署印

證婚人介紹人各署印

兩姓主婚人署印

證婚人宣讀訓詞

來賓致頌詞

新郎新婦代表致答詞

新郎新婦謝證婚人及介紹人一鞠躬

証婚人介紹人退

行見尊長禮三鞠躬

行平輩相見禮一鞠躬

來賓賀兩姓主婚人一鞠躬

主婚人出席答謝來賓一鞠躬

司儀員退禮畢（樂止）

## 附新喪禮

將屍身安置正寢以報喪條告各親友

治喪各事仍依鄉俗行之

壽衣有職者着制服無職者或禮服或袍褂

擇吉開弔訃告親友

弔者行脫帽三鞠躬禮

五服之親均用黑紗圍左臂

妻媳女子七日不修沐不飾粧

發引時執紼人各佩孝花

## 節序

陰曆正月元旦五鼓各熾薪炭於院謂之迎旺氣男婦盛服祀神祭先肅拜尊長戚友往來拜賀旬日乃止 初五日黎明掃各舍塵土拋置通衢謂之送五窮 初八日於院中設燈祭星 初十日夜俗云鼠娶婦用穀粉作蒸食名曰十子團設祭於牆隅屋角 上元張掛紙燈自十四日夜起十六日夜止燃放烟火以油燈爲九曲黃河兒童笙歌爲樂或架鞦韆爲戲十六日男女趨游城頭閭巷謂之遊百病 二十

## 武鄉新志

### 卷之一

禮俗略

一一一

日小天倉蒸黍穀爲團祭倉箱井白之神 二十五日大天倉祭亦如之

二月二日俗名龍抬頭各張燈於門謂之掛龍燈並煮油糕乾菜根食之謂之熏蚰蜒五月五日爲端午節包角黍相餽遺探艾佩帶飲雄黃酒小兒帶五色線絲以雄黃塗耳鼻謂之辟惡弟子拜禮師長各奉酒食爲節禮

六月六日爲牛羊節主人以美食犒其牧人

七月七夕婦女陳瓜果祭天孫織女 十五日爲中元節各携香楮祭於墓前

八月十五爲中秋節夜設月餅瓜果以祭月親鄰或相讌會

九月九日爲重陽節士人或登高讌會遺俗猶存

十一月冬至弟子拜禮師長畧同端午

十二月一日炒豆食之名曰齏炒 初五日煮雜豆爲飯名曰五豆 初八日以紅棗與黍米爲粥名曰臘八粥 二十三日夜以錫食祀皂神俗曰灶爺上天

除日貼春聯門神家長以錢給子弟謂之壓歲錢

陽曆年節城鎮張貼春聯鄉民亦有仿之者

雙十節懸燈結彩以伸慶祝

案舊日婦女纏足一邑盛行近經官廳嚴禁其風漸絕溺女之習向亦有之近則寂無所聞至寡婦再醮舊為鄉里所不睦市井無賴往往從中作梗藉以勒索今則聽其自由罔敢干預者他若自由結婚等習近於學生中或一見之凡此諸端今昔殊異聊志篇末以示風尚遷移之一斑云爾

附邑孝廉魏守經南亭竹枝詞

有叙見續志

經生長鄉曲已過半生雜采土風編成斷句非有美而有刺聊同下里巴人惟習見而習聞絕少淫聲古豔諒關梓里綽有閒情語出蓬心本無偷次如謂干卿底事矢口外誣不妨於我相加反唇以報

歌哭相依聚族謀一般舊德與先疇鄙人敢學巴歛唱為少崔詩在上頭

南亭竹枝詞前輩從無作者

半耕半讀世相傳不肯他鄉作懋遷土著人多勤補拙年年家慶總團圓

吾鄉前輩有流風課幼工夫大抵同一卷小文傳寫徧家家香瓣杜郎中

邑郎中杜仲白課幼文幾無人

不謂

上元蘆席結神棚煙火連宵氣色增遊徧黃河三百六沿途五色紙糊燈

以籠三百六十盞分行布列如

游豕形而界為九曲方其中者曰遊黃河

閨閣停鍼拜禱忙迎神稱上驗低昂聽他女伴同聲祝我請姑孃跳一場

正二月間忌捉針閨人束草為

武鄉新志

卷之一

禮俗略

一二二

人以稱稱之從廟中自還覆稱筋兩長出為七姑孃至兩旁扶掖跳弄下問本年水旱及人事多應驗時紫姑問卜之遺也

貧家夜績乏燈檠鑿壁難偷一點明晚飯纔完盤膝坐伴人暝色紡車聲

漳水冰泮水拖藍繞郭人家學圃諧楊柳陰中轆轤響黃花如繡徧城南

漳河南岸榮花彌望

鼓吹沿街聒耳頻紛紛士女出重闈南山寺與城隍廟舊例年年神請神

三月迎境內神計南山寺五月

遷詣城隍廟似神送為賓主者

但憑片語訂朱陳兩不相逢便結親別樣繁文都不用一條長輯重媒人

結姻者媒人至門一揖即為成

禮俗以婚名作揖

親上攀親說不清相逢都是有親情但看年紀相當者假借稱呼表弟兄

凡民匍匐此心同况復比鄰弔唁通各帶囊錢剛足陌黃昏上廟打錢籠

有新喪者三日既夕主人詣廟

奠帛謂之送魂比鄰來助各帶錢一百錢籠一隻謂之靈籠會

預先打畫到通盤物數零星是若干數目多時徧說罷土音真索解人難

凡逆料後來日打畫若干字為

約略計數而土人則以少為若干又把乃一手所握而土人以百把千把萬把為言

安排合式稱如此敬畏存心念不當慮及收科沒合煞鄉談原不盡荒唐

謂事物妥適為如此似預有成

式即昭合者又恐有干犯連呼不當沒合煞三字見朱子語類猶云沒收場也今借爲指斥不然之詞

趁虛料理過新年數斗春糧壓兩肩比似尋常多一倍人言臘月小秋田臘月小秋田土人諺語

全用諺語

趕亂成婚趁歲除新年景色萃青廬陰陽無忌百無忌底用拘拘時憲書除日娶婦俗謂之趕亂陰陽句

耳聞目見少新奇唐魏遺風信有之我爲同鄉添話柄閒中涉趣一泉詩  
論曰禮有體制俗重民風所以重典常而見習尙也顧可忽乎哉然古今殊會新舊殊風重典則而守舊制究不若因時乘便而改良武邑士民於所謂婚冠喪祭之儀節序祭奠酬酢之風率由舊典者固多而近日士民見夫新制疊出可挽頽風由舊習而漸遵新禮者亦所在多有數十年後體制漸變俗尙一新武民或寢變爲革新之國民也吾將拭目望之矣

武鄉新志

卷之一

禮俗略



## 生業略

六府三事所以養民也古聖王發政施仁罔不以厚民生爲當務之急乃後世郡邑志於典禮文物記載特備而於人民生業往往畧而不講是非一大疎漏也歟武境環山舟車不通無百貨可以懋遷惟專力耕農藉以自給雖稍有煤鐵而交通不便銷售爲難亦未能宏其業而食其利無惑乎民生困苦而不克自振也可慨已作生業略

### 農業

邑民專事耕農者十之七八惟地乏水利強半磽确而區田換種諸法雖經官廳多方提倡尙未通行故每畝所獲豐歲上腴不過石餘其次或僅數斗其無田產者輒爲人傭耕所得工資亦頗可自贍耕多用牛少騾馬肥料以厩肥爲大宗鮮製造者

### 工業

木金陶土各匠俱有大率不甚精巧營屋製器粗足本邑之供應其出境營業者甚不多見輸出品亦止砂鍋鐵鐸數種邑東富有煤礦悉用土法開採以交通不便轉運艱難故其業終未大盛至山川茂密之區居人往往於耕耘之暇斬伐樹木製爲

## 武鄉新志

### 卷之一

生業略

一五

### 商業

屋材或更剝木爲器編條爲筐銷售各處藉補生計之不足是則農而工者也邑民在昔不事商賈近漸有起而爲之者如當行酒行衣店布店藥材莊雜貨莊等皆有之然多係集資爲小貿易其各行店之較大者則多屬之外人至涉江湖操贏奇者迄今仍不多見

### 衣

大都取給於土布絲綢洋布之屬亦間有之冬裘夏葛者絕鮮邑中向不產棉近由農民試種頗著成效然山高氣寒產額不豐仍多購自武安霍縣洪洞等處所幸婦女紡織之風一邑盛行每過山村僻壤草屋茅簷輒聞紡聲隆隆機聲軋軋亦一快也至蠶桑之術多未諳練雖經官廳提倡迄未大盛

### 食

日三餐以爲常食品以小米高粱爲大宗麥次之邑產儘可自給不假外求喪祭婚嫁讌會之外鮮肉食者近日糧價飛漲斗米錢二千七八百文窮民往往以粗糲雜

野菜而食

住

構木爲屋穴土爲窰棲止各有定所所營大都堅固完好其宏敞壯麗雖遠遜於通都大邑然以山高地僻絕少湫隘囂塵之弊鄉民多不注意衛生而自與衛生無碍邑民一衣一食率皆粗陋惟居處尙堪自適至室中陳設則概從簡畧

案邑民大都各有田產無田者不過百之五四爲工爲商者往往兼理農業而農民於收穫之暇輒往來於平遙太谷和順武安等處以肩挑爲小貿易其任勞耐苦之性遠過他處邑中無巨富少亦貧資產階級不似他處之大相懸絕實爲本邑之一大優點惟人民憚於外出智識固敝業務上少所發展此其缺也

附前邑令王樂山藩舊論一則

見續志

武鄉之爲縣在萬山中金玉珠貝無所產商賈舟車不至

民安於賦詛誦讀無逐末游食獵取富貴之人故境內鮮豪宗巨族其以善人長者見推里黨而號素封者類皆恂恂守禮法教子孫讀書環其宇居者數十百家田廬衣食之有無莫不賴於主人間其富數田樹畜木以對珍奇玩好無有也問其業督耕績徵租輸賦而已可技異能無有也問其致富之由力稼穡課用度銖積寸累而已操奇贏所秋毫之術無有也予始抵縣見其地皆磽确且多漳水支流秋潦泛濫茫然無岸心頗不釋既而往來諸鄉察之其民質而不營其俗儉而不獵其清門望族所爲無奇袤侈蕩之習乃樂之如白傅之勾留於西湖焉昔漢晁錯奏文帝曰游食之民未盡歸農民貧則姦邪生貧於不足不足生於不農不農則不地著不地著則離鄉輕家予觀武鄉之民無大姦邪獄讞較他縣爲少由於民多地著貧者

武鄉新志 卷之一 生業略

一一六

不逐末游食富者能好禮恤貧故耳使天下之民盡如武鄉雖致於三代刑措何不可之有

論曰人生數十寒暑耳然勤儉耐勞則無業而可至有業怠惰不勤則有產而移於破產是知勤儉固人生起伏之一大關鍵也又惡可忽乎哉武邑居層山中土地磽瘠生計維艱所幸者民風樸素勤苦務農而工商復能互爲其用衣食粗足禮義可興勤儉著唐風之美敦穆免齊俗之偷民生前途再能發展而擴充之則武城其庶幾乎

物產略

民生莫先於食貨物產原關乎土宜武境荒瘠生產不豐然果人各任其能竭其力飲食器用亦粗可自給書曰不貴異物賤用物願邑人三復斯言作物產略

植物類

穀	宿麥	春麥	草麥(即大麥)	稔子	黍 <small>黃黑赤白數種</small>	稷	梁秫
蕎麥	菽麥	麻子	玉蜀黍	莞豆	扁豆	黑豆	白豆
綠豆	小豆	姜豆	紅豆	花豆	青豆	眉豆	
葱	蒜	韭	芥	茗蓬	萵苣	白菜	蔓菁
芫荽	菠菜	芹	苘蒿	茄	蘿蔔 <small>紅白二種</small>	蕪菜	山莪
羊肚菜	地龍松	山藥	葫蘆	西瓜	北瓜	南瓜	菜瓜
王瓜	甜瓜	絲瓜	倭瓜	金瓜			
柳	槐	桑	榆	松	栢	椿	檉
楸	楊	檫	檉	桃	杏	奈	棗

武鄉新志

卷之一

物產略

梨	核桃	櫻桃	榛	小果	蘋果	郁李	棠梨
花紅果	葡萄	雁果紅	木瓜	李			
甘草	蒼朮	桔根	茅香	百合	車前	茵陳	黃芩
柴胡	升麻	知母	猪苓	馬兜鈴	草烏	紫蘇	牽牛
木通	冬花	薄荷	貫仲	地榆	秦艽	連翹	靈仙
茜根	芍藥	百部	瞿麥	遠志	葛根	藜蘆	蒼耳
藜本	防風	漏蘆	荊芥	槐實	山查	菖蒲	旋覆花
蒲公英	郁李仁	鼠粘子	夏枯草	地丁草	益母草	大小薊	白頭翁
乾菊花	地骨皮	王不留	青蒿	藎			
牡丹	芍藥	大葵	小葵	秋菊	水紅花	玉簪	金盞
石竹	鳳仙	山丹	僧鞋菊	月季	水葱	六月菊	萱草
玫瑰	蝴蝶花	雞冠	秋海棠	萵蘆蓬	蘆葦	苜蓿	荳稗
地椒	香薷	荻	菸葉	蓼藍	棉		

邑中向不產棉自民國四年縣署奉 省令勸令農民試種頗著成效惟氣候偏寒產額不豐故迄今猶未大盛也

### 動物類

- |    |    |    |    |     |     |
|----|----|----|----|-----|-----|
| 雞  | 鴨  | 鷓鴣 | 鸚鵡 | 鸚鵡  | 啄木鳥 |
| 鵲  | 鷓子 | 紅鶴 | 水鴨 | 鴟鴞  | 雉雞  |
| 雉雞 | 鴨  | 鷓鴣 | 鸚鵡 | 啄木鳥 | 鷓鴣  |
| 馬  | 牛  | 驢  | 騾  | 豬   | 羊   |
| 田鼠 | 鼠  | 狼  | 狐  | 獾   | 兔   |
| 蠶  | 蜂  | 蝎  | 蚊  | 蟻   | 蛇   |
| 蝸牛 | 蟬  | 蜈蚣 | 蜥蜴 | 蚰蜒  | 蜘蛛  |
| 螳螂 | 蚯蚓 | 鼠負 | 蜻蜓 | 鷓鴣  | 蝴蝶  |
| 蛙  | 蝌蚪 | 獺  |    | 鯽魚  | 小魚  |
|    |    |    |    | 鱉   | 鱉   |

舊志載有猴類今刪案邑境多山昔有猴產其間嗣以林木日稀其種遂絕至刺蝟水獺舊志所無近年來於縣西發見刺蝟縣東發見水獺雖事屬僅有尙非子虛姑存其名備考證焉

### 武鄉新志

### 卷之一

### 動物類

### 礦物類

- 煤 鐵
- 鍾乳石 水晶石 石灰石

縣東鐵產頗多惟以獲利甚微廢而不探者百餘年近邑紳李華炳等特集股開採用資提倡第以交通不便銷售爲艱鎔鍊悉用土法廠所亦屬簡陋其利猶未溥也

### 製造品

- 絲 蜜 蠟 油 靛 酒 火硝 草紙
- 瓷碗 砂鍋 鐵鍋 鐵鑄

論曰禹貢九州各有方物爾雅釋類皆有專篇蓋物有定名生有定地產於白壤必不能產於赤墳產於山林必不能產於斥鹵江南有橘移之江北變而爲枳地使然也武邑地土瘠磽所產之物寥寥無幾然食貨豐殺民生所係烏容略而不載耶

## 兵防略

甲冑易於虎兕袒裼潛於重畜無他一有備一無備也武雖彈丸小邑然扼潞澤之咽喉爲并門之屏蔽而又居近邊陲匪擾堪虞當此鼙鼓頻興海內多事之秋其於警備巡詰之事訓練守禦之方曷可一日忘哉作兵防略

清時設城守司一員防兵十名駐城守司署署在縣治東北隅並設經制把總一員馬步戰守兵九十八名駐權店營嗣於乾隆道光咸豐間歷次裁汰步兵十八名止留存八十名此外又分汛設防九處每處防兵三名詳舊志清末廢各分汛於城內改置管帶一人尋改稱警務長

民國四年警務長改稱警佐八年兼區長職以舊學署爲警察所計轄巡官一人區助理員二人馬警六名步警三十四名伙夫四名內警長三人每屆冬令添招警士十四名城外各警卡所駐警士悉由警察所派遣

常年警卡二處

權店

巡官一員馬警一名步警四名

## 武鄉新志

### 卷之一

兵防略

一一九

南關

警長一人步警四名

冬防警卡五處

賈豁

二十里舖

疃坊廟

石甕

姚灣

以上五處均各駐警士二名或三名

區警

第一區 警士六名入冬添招二名

第三區 警士六名入冬添招二名

右各區卡警士平時分頭巡邏入冬則約期會哨並責成各村保衛團丁仿而行之唇齒相依聲息相通較之往昔設汛分防之法尤爲民人所利賴云

警察所經費

俸給 全年三千三百八十四元  
 辦公 全年二百四十元  
 服裝 全年三百六十元  
 旅費 全年二百一十六元  
 偵緝 全年一百八十元  
 右五項共洋四千三百八十元

武器

老毛瑟一十七桿 九响毛瑟槍四桿  
 鳥箭槍五桿 馬步來復槍一百四十三桿  
 抬槍貳桿 竹節砲一十三尊  
 百子砲五桿 拾砲三桿

論曰銷兵為承平之隱患故兵可百年不用不可一日不備古者天保治內采薇治外

武鄉新志

卷之一

兵防略

周官司徒敷教司馬統戎誠以除殘去暴有非兵莫屬者况當海禁大開列強競爭之秋哉武邑於晉彈丸耳而盜賊竊發小醜跳梁往往受大影響而不及捍禦者以僻處山陬地近邊陲故也使為警察者念籌款之艱難盡個人之職務毋放棄毋游惰有備無患豈非長治久安之策哉

名宦傳

車攀劉公花思潘令汝陰立神父子社浚儀繪明府之形是皆惠結人心而芸庶之愛戴出於不能自已者武自北魏以降官茲土而遺澤在人口碑載道者悉載舊志今博稽往蹟探聽訛謠於近百四十年又得八人著之於篇昭示來許於戲甘棠遺勿翦之愛黎蒸永既去之思非甚盛德曷克臻此膺民社者可以油然興矣作名宦傳

清 王 崧

號樂山初名潘雲南崧崧進士嘉慶十二年知縣事學問淵源能以文章飭吏治興學課士有文翁化蜀之風嘉慶庚子分授晉州縣補行人秩滿去任尤有陽書阮山長回籍時晉人為萬里還山圖以贈題跋甚夥

岳維城

字方亭四川中江人道元八年山崧崧以知縣事感惠廉以治民不責於人而民不忍欺在任五年政簡刑清故以岳青大呼之邑城經風烈剝傾頹已久維城以俸募資延士紳魏牧等二十四人葺而新之督視

巡察時夕周解工成士林賦詩以頌書院月課久未舉行維城蒞任按月屆試士各知奮丁亥徒步騎雨東山暑為所侵致搆目疾經年始愈十一年調繁汾陽邑人於署門前勒石識之

鈕增堯

字松齋壽陽舉人咸豐十年任邑教諭精強廉幹竭誠造士按月課試生童輒割俸為膳並優予獎資邑侯吳匡蒞任銳意振作凡所興革咸與商榷增堯詳為壁畫悉中肯綮修理書院經費多所勸募並鑿文廟鄉賢祠碑石

不完忠孝祠尤將傾圮延邑紳范名晉等加意修治邑人德之光緒四年保舉卓異推陞澤州府教授

武鄉新志

卷之一

名宦傳

吳 匡

字書年浙江烏程人光緒二年為縣令心存保赤文尚嚴明捕伏獲奸物無遺惜丁丑戊寅連年大稔具文申報蒙朝廷發帑賑濟僻壤窮民必親往散給告吏罔得侵漁民多賴以全活時哀鴻流連宵小乘機劫掠時

聞匡偵查所得悉置之於四境為之一肅士民稱頌迄今不衰更補葺城垣修理書院續修邑乘咸為後世所利賴先是邑令齊漳虛報地畝致十里空種為累匡於饑饉之餘查出老荒地若干畝荒地內常賦若干兩前項空糧若干兩具詳上憲蒙准予永遠豁免銀三、日餘兩屯米豆六石有奇此尤邑人陰受其福於無窮者後調任介休晉陞山西布政司使

吳葵之

字殿卿河南溫縣人監生光緒六年為縣令潔己愛民聽訟必反覆推求務得民隱當時有心同彼日政謫陽春之譽在任二年致仕回籍去之日送者塞道迄今猶頌頌不衰

王樹之

字培桂河南登封監生光緒初年為邑典史尚氣節不苟取同例典史於冬月下鄉點約多所需索並或招攬訟聽訟聽決案無留牘邑人為勒德政碑樹術神廟

李壽芝

字符仙湖南長沙廩生光緒十四年知縣事多才博學雅意作人放邑士優秀者入署課讀制俸以供膏火並令村鎮各設義學酌其需費多寡捐廉津助雖簿書雜務不廢操觚詩文聯額題咏至夥士類翕然從風文教不墜

文昌閣在學宮附近風水家謂增而高之文運當以勃興惟於學官或有不利前令率因循未敢輕舉壽芝特增修數丈壯麗大盛於昔並課農種樹務在利民邑進士李華炳嘗賦詩以頌有樹人樹木更殷勤之句後調繁臨汾擢陞絳州知州所至以循良著稱

張嘉楨

字幹臣直隸武清人光緒二十九年知縣事以實心行實政蓋奸剔弊風裁凜然市下車即率吏役兩三人徧歷鄉間凡民生物產學塾倉儲罔不諮詢務待其詳山路偏仄輒徒步行見者不知其為官也其勤勞勤苦為清代

歷任知縣中所僅見曾奉令改書院為學校學畫周詳邑人迄今頌之

論曰語云風塵中每多俗吏不汲汲於名即汲汲於利求其實惠及民在縣令師尉中恒難其人然亦未可概論也武雖僻衍而實心實政循分稱職者代不乏人甘棠之愛

峴首之思固可謂惠政仁風炳千秋而若揭歌功頌德至歿世而不忘後之召杜不將  
觀感而益思茂厥績乎

武鄉新志

卷之一

名宦傳

三三二



# 名賢傳

自來建功之路不一而立德之基有常一士之行可以貴軒冕而富鐘鼎在人自爲之耳武當明之末造賢豪挺生偉烈豐功輝映史冊清乾嘉以降雖已遠不如前然出而保惠黎庶處而矜式鄉邦其令聞盛德足與效美股肱弼諧庶績同傳於不朽者不一而足考其芳躅著其行事後人景仰徽烈而取以自鏡其在斯編也夫作名賢傳

明

## 魏令望

字羽儀明崇正時以進士授太康縣知縣辛巳十一月十七日上任蒞任之始流殍滿眼哀賊叩從東北來擄掠焚劫離城二里而遙鳴鑼時逼城下令望樓城作署晝夜戒嚴謂賊不一創不遠遭因發材官軍丁五百員名格戰於楊家廟寢去奪元纓七星旗一桿斬首四級生擒者三具報上司獲奸細四人梟示訖賊不得逞十二月初三日拔營南徙二十間關賊攻汴城懸臘至正驚聞風鶴令望率同士民日在城頭歐心瀝血誓作睢陽之守壬午正月十七日汴南稍解大軍之援汴者日收道康城譙慮賊高令望渡給芻粟庚癸不聞旋約康邑士民曰賊雖遁去未歸大期安知不捲土重來有備無患乃捐貲增厚城堞五尺每門加壘城一圍修築壕隄訓練鄉勇又廣紮懸樓六十座小懸樓一千二百座滅虜炮五十位萬人敵一千二百件火罐火藥矢石器械難以數計日夜拮据不遺餘力自幸可恃無慮家人亦聞之竊喜乃突於四月初七日有隨任家人王永祿跟蹤奔入里門偏身血傷頂頸刀痕深二指許面黃衣敝一息僅存舉家驚駭初不識其爲永祿者細詢之始知三月十二日關賊糾合袁營攻陷陳州日以精騎衝康界而康城孤懸一轍可至令望決策固守以倉庫庫主薄清和付典史身同張巡撫孫舉人

## 武鄉新志 卷之一 名賢傳

三三二

並大家巨室教官中軍練總等官激以大義分汛堵防盡出庫藏每塚軍十名每名銀一兩且誓曰獲渠魁賞百金獲賊者金五十貯之械樓示無食言人心奮勵相戒効死至十七日賊遣數騎持僞示一紙衆議洶洶令望指賊怒罵擲之城下十八日辰刻賊果擁衆大舉四圍屯紮約各四十里許蓋甲槍刃如林而烏飛莫度矣少焉選銳直攻南甕城城上並人敵火罐柴木雨下者逾時燒死賊數十人賊少卻既而乘隙從城缺列入令望知變亦乘勢於城內剝出兩湊遂遁一穴官軍於穴口藏引火物又暗伏鋒刃斃賊數百餘賊不得志移攻東南炮臺令望督衆禦以火炮礮石賊之近城者擊於海壕遠屯者開一血路如此再四斃賊不知幾十從此賊恨入骨必克城而後已遂合力攻東南角凡一番至令望身先率衆以萬人敵滅虜砲擊之死賊畢命於此者僵屍數萬傷賊愈多而賊計益狡又乘隙於城下鑿孔藏火火燄倏忽火發城潰敵丈架礮上攻令望躬冒險挺身立潰處指授方略官軍奮列兩旁賊爬上刺之屢上屢刺令望大加犒賞銀不足取所束銀帶並銀杯數隻湊給於紳各捐金慶士軍人感泣無不以一當十者刺賊屍積成路賊且履屍以上令望速取木版學木槩禦之賊再上官軍刺賊於門版隙處總刺死賊又不知幾十百矣賊稍退士民各倡率鼓勇無如賊更番愈銳而官民不寢食者前後已浹旬費盡心力縣官面骨身柴鬚髮皆焦猶且鼓勵賞賚至十九日中時賊復擁集木槩虞城上仍以萬人敵擊之賊屍滿海壕路無遺意最後一砲藥迸發而風迫內擊延燒營房火藥人不能立賊遂乘火光登城令望髮豎眦裂手刃二賊隨順內丁王永祿曰大劫至此吾身當與社稷偕亡誓作厲殲賊候忽風雨驟集彼此遂不及顧同遇賊難逾夜而永祿少壯即僵伏於屍內賊去始起但見滿城灰燼求令望遺骸而不可得隨任二十餘名口子妾僕婢咨焉無蹤初令望刀賊後爲賊所獲據見關賊關賊曰我從陳州來即知汝是好官我待汝以不死何如令望瞋目不屈聽其速殺賊亦爲之歎息遂被害從死者中丞張維世進士馮真吉舉人孫祿策生員王永濟等二萬餘人賊退康人修木主合詞請於憲祀名宦祠當事者上之於朝方下部議議卹而大局中更事遂寢清乾隆四十一年忠孝烈命祀忠孝祠本邑仍祀鄉賢祠

按明末流氛遍天下我武以身殉者卓有三人悉載舊志惟羽儀當日以事狀未具疎漏孔多至續志得其殉難實錄始克詳  
爲紀載今錄之以冠傳首

清

### 魏容大

字仲似號神儀明末太康殉難知縣分望次子生而穎異七歲能文詩書識大義尤深明西銘太極諸篇不厭作  
雕蟲之技爲袁臨侯首拔食廩隨父任太康關賊肆虐值大比父進而訓之曰社稷吾任也箕裘爾業也胡爲

居此圍城之中而不去也君泣不忍違父怒而遣之不得已辭歸未幾而太康陷聞報絕而復甦毅然領老蒼頭張壯微行抵太康  
之墟求父死所康人已有殮而瘞者扶柩歸葬而祠焉時君力方剛雖旁午倥傯不廢誦有清定鼎益肆力於學經史子集無不  
沈覽下及方名技藝亦究心而窮原本七赴棘闈幾售不售適停鄉國歲貢士學博員缺不復補君以廩長董學校事邑中大利大  
害知無不言言無不中荒糧爲邑重困走控上臺得豁免減賦貢十之四屯豆求輸本地免車牛納兌之累數萬戶鳩鵲之民得存  
活者君之力也康熙九年領薦薦又十餘年餘河津學博之任仰文清公高風訓諸生先器識而後文藝邑令咸敬禮之遇難處事  
必咨焉君爲區畫悉中機宜士服其化而民戴其德大有造於津也無何竟棄官歸復理藏書沈酣焉暇日與耆舊爲率真會彈琴  
弄笛氣概沈雄間作韻語神氣淡遠在儲王高岑之間自奉約而感族貧者病者待婚待娶者無不仰給焉年七十三卒

### 史傳遠

字伯猷號小山生而儻年即立志不凡顧家貧其十三歲始就學晨炊夜息同儕各散曾自吟唔不輟二十  
入泮旋擢第一食餼乾隆壬申鄉試中榜首辛巳成進士友教四方多所成就父能謙病故呼號之下一慟幾絕

起復後四十三赴選籤掣陝西河陽引見改授高陵赴任值歲饑府議設粥廠傳遠以粥不能徧給查實在無食者按口給米民賴  
以濟逾年冬署潼關廳次年正月署郃陽時用兵大小金川陝富孔道棧內五廳州縣殊踴躍上憲檄調五人分遣往代傳遠得河  
縣河孫三驛皆高山峻嶺馬少站長爰覓驢百數十頭每差至以好言慰其上下官給馬役給驢衣被器械給夫無有喧嘩者嗣接

## 武鄉新志

### 卷之一 名賢傳

二四

署澄城案末三月京兵由陝到川傳遠奉檄連夜赴臨潼兼委審渭南數十案發姦擒伏如神金川平傳遠以卓異升興安州知州  
母病在籍適假病歸母卒起復仍赴陝候補署咸甯案次年二月撫憲保舉升山東泰安府知府請咨到部時逢上幸熱河傳遠馳  
詣請訓有泰安久饑當善爲籌辦之論到任飭各屬設粥始就食者數百人後至萬人活者無算各屬麥苗甚好惟少雪傳遠步上  
泰山夜禱越二日即得雪數寸曹州府飢民爲亂奉憲諭查辦傳遠曰此皆餓民圖得粟而已非判逆比密飭文武官暫爲停捕果  
十餘日而衆悉散次年七月調濟南府新臬憲爲舊上司刑名要件一以相委皆悉心審理無誤既而有去志或謂撫藩顧遇甚好  
去胡爲者傳遠曰仕宦有何止境惟知止乃不殆耳因呈病求退回籍調理遂不出年八十而卒子壽安太學生奕安庠生

### 魏惟五

字爾菴號晴峯官神木縣知縣以籌辦荒政勞悴遘疾棄官欲歸既得替旋卒於邸官囊蕭然惟五少負異材刻  
厲學問以孝友端直重於鄉里乾隆壬申以第二人舉於鄉六試南宮不售壬辰始挑選一等分發陝西鬢髮雖

然年已五十六矣既登仕籍喟然曰士自束髮受書而瀕老始仕既不能樹奇功偉績於天下即欲爲一邑而簞仕之始誓如灌如  
安得盡行其志要當不以富貴貧賤動其心喪吾所守可矣初以需次故借補商州州同旋署鎮安縣家秩滿補授神木所至以廉  
潔稱其署鎮安也在萬山中號僻縣官鎮安者咸憂貧惟五獨色喜曰此可以完吾守也其地多客民各倚山巖爲窟落相保聚  
而樵監礦悍爲土人患惟五爲設教條諄切勸諭且重懲其不率者久之則客主睦域悉化民俗大和嘗有遊僧以邪教惑衆大吏  
羅織數十家將起大獄惟五察其誣力爭之事得末減鎮安人以此尤德之己亥年六十三始即真神木神木地北數十里即蒙古  
地設關帥宿重兵遊民四集頗稱難治惟五爲政務清淨因其俗使夷漢相安而執法不撓兵不傷而民不孱辱受陵侮神木以邊  
方故向食蒙古鹽無課額當事者因商人請議以蒙鹽均輸河鹽課額之缺令既下他邑皆招商設局讓私販尋將爲漁利計惟五  
屹不動曰曷可以病吾民閱數月大府知事不可復撤止之由是神木之民皆知令君之廉靜寡欲也癸卯歲大稔奉旨賑卹惟五  
時已被疾猶蒙犯霧露閱巖山谷中清查災戶及分廠給銀包封必親閱俟散必親授擇士人之謹愿者分任其事吏役咸斂手不

得毫髮染指又別出私錢購米若干石以收養災黎之尤不能存活者勸富民分粟貸貧嚴治盜賊俾民雖災而不害自冬涉春日夜為救荒計病遂篤位不稱其德而以死勤事可哀也已

### 趙擴

字充之別號松溪乾隆乙酉舉人辛丑大挑一等分發山東試用知縣補授榮城令擴生而穎異純篤好學父貢生子師課之嚴二十二補諸生明年鄉試中式其後分發山東試用有年追補缺縣瀕大海地斥鹵民貧瘠擴政

主撫字而不事操切時州縣多虧空之弊善彌補者為賢擴遂謝病還里授徒自給年甫四十七耳擴之謝病也授政於代者而後去家居十餘年其縣之官已數易矣而忽以虧空事連擴擴自歸里授徒與寒士無異沁州劉郡伯察其賢聘主銅鞮書院生徒甚盛凍餒非所恤惟試用時之逋負日迫莫得束修費以償之無何山左遣吏持檄來召生徒歎息而散擴携少子昌祚抵山東省城旅舍煙火略具濟南德太守雅重其名夏遺葛冬遺裘語人曰世烏有乾沒侵漁而貧病如趙君者乎事白得歸歸而困憊愈不可支日取典籍自娛有以窮愁著書諷者擴曰著書所以傳後也著而不傳何如勿著著而期其傳則將苦思勞神購祕書求良友以取材是欲去其愁反遠其樂也古人云使我有身後名不如生前一樽酒吾快吾意足矣有作輒棄去所存數十篇而已年六十三卒

### 李端

字凝度號文軒又號端亭乾隆己亥科舉於鄉由內閣中書中書慶己未科進士選庶常授編修以病歸五年而卒年四十有七先是乙卯會試被黜上命搜遺珠得端卷批云詩文清妥與遺卷中二人引見授內閣中書嘉慶

四年由二甲進士入翰林亦為上所屬意武鄉僻處萬山中朝無顯貴端又崛起一旦陟薇省署玉堂歷受二帝特達之知典尋常通籍及薦引奔競因而轉階者殊科由是端之姓名僻里隱動京師久之且徧天下在朝八年與朝士以詩文相高士大夫無不傾心焉

### 趙文振

字起齋號學山幼穎異不受束縛從蒙館學業未半載歸父附君詰之餘曰彼不足師也已而命從鄉先達治帖括則又歸附君怒閉諸深室不與外通於徹籠中得太史公列傳本已鈔其首尾末數月而成誦誦竟則從牖呼

## 武鄉新志

### 卷之一 名賢傳

贈君寬書贈君喜沁州吳香山孝廉相國文端公之孫也卓犖不羸為時名宿乃挾其弟玉振往師之甚悅服三年歸香山送之曰善衣鉢有優矣尋補諸生食廩儉性立孝母太孺人晚而折臂不能執匕箸朝夕侍牀褥不解衣帶者三年既丁內外艱奉雙柩於正寢設帷帳飲食則偏僂而進若將終身服除偕其弟啣啜於帳之側或勸之葬親僂而不答人咸訝之蓋文振以己名未立不獲捧檄於生前過此以往則不得與無財均足傷孝子之心而未有以娛其親心也無何舉乾隆己酉鄉試文振喜動顏色曰吾今可以葬親矣乃覓墟與買山於段村之陽償金三百數事極豐備而後止既寔貨一空曰五分當貧耳文振素不理生掇芹後日資舌耕至是從遊者益衆歲得館穀可百石有奇以其餘賙貧乏不使人知疏於阿堵約以自奉澹如也尤以振興後進為己責邑中子弟貧不能學者給膏火俟成立而後安文振遇豪富不稍假顏色館外邑時有豪富人援例授顯職假文振以延譽其子弟其子弟亦不事攻苦而欲得令名嘗謀冠童子軍已默使人遺金於郡守既又懼曳白謀載文振捉刀而不敢言行有日矣乃設講以窺其意酒三巡豪富人起捧卮而前言未既文振大聲曰唉安有執袴而奪錦標亦安有說遇而教子弟乎吾豈貪鄙人甘其餌而供若之驅策乎擲杯於地即日解館歸大和文振之為人也不與世浮沈嘗戒人談陰私曰毋污我口且遭冥譴耳其居家蕭若朝堂於同族昆仲怡然犯而不校平生不苟衣冠豐而後伏案三赴公車不得志遂絕意名場未仕而卒學者稱為學山先生云

### 郝廷棟

字柱臣號砥峯別號臨川幼失恃父雲祥訓之嚴授書輒成誦弱冠補博士弟子員食廩餼受業邑人李凝度太史門讀書不喜涉獵細心體會務為深湛之思尤精於易究心諸家之說折衷於朱子制藝則神明變化曲盡其

妙乾隆壬子舉於鄉六試南宮五薦不售嘉慶戊辰銓河曲訓導丁繼母憂起復選榆次教諭道光乙酉以疾乞休十四年卒年六十有九幸榆者武鄉舊尹雅與善有夤夜謁廷棟者曰能脫我於法報千金斥去之而終不言

### 魏懸書

字雲榜號柳塘嘉慶戊寅科舉人道光丙戌大挑二等庚子選授平陽府曲沃縣教諭之任後設帳授生徒其成進士貢成均者數十人咸豐三年洪楊軍攻圍懷慶懸書每與邑令丁瑛訓導胡彭齡談及時事輒歎不語者久

之蓋決有殺身之志而不欲言也迨三年八月歲由垣而入晉且及平陽縣愕然曰死期至矣敵果大至與邑令丁同時罵敵不絕並遇害其長子介生及姪浩生皆死之妻張氏孫其九歲兒亮生投井越日門下士掘出母子死而復甦其仲子瑜生目擊親死驚怖不食幸不死介生婦趙氏里居開難兼泣粒鄰人力勸進食卒成疾越歲而歿事聞救贈懸書國子監助教世襲雲騎尉父子俱入祀曲沃昭忠祠縣書復入祀沁州昭忠祠

### 趙昌祚

字錫哉別字餘莊生有至性早歲嗜學十八入邑童文名籍甚二十歲時父廣因榮成虧空山丘遺吏持檄索召昌祚從等逆旅往返數千里艱苦獨任務得親之歡娛後父卒哀毀逾節孝誠感人事母亦先意承志家雖中落而甘旨不缺於供母病依依左右目不交睫奉侍湯藥晝夜罔懈兄昌業怡怡一室敬而能讓出入肩隨數十年如一日嘉慶己卯舉於鄉友教四方成就後學甚衆道光丙戌大挑一等授陽曲教諭陽曲爲三晉首邑士多英秀而習氣浮靡昌祚訓迪諸生品行爲重文藝次之其始到任也前任周鳴鳳資斧告匱不能旋里昌祚贈錢數十貫無吝色晉陽書院監院舊有專員上憲聞其廉介令兼其職顧使者數往返而昌祚終不就上憲以高潔稱之昌祚平生溫柔敬慎與人語皆其實無偽有古君子風告歸後閉戶檢書不履城市每日早起衣冠危坐如對賓客一門之內晏如也年六十九卒

### 魏牧

字受之號景山附貢生幼聰穎七歲入塾過目輒成誦十一學爲文有豪邁氣世父大成命之十五入泮弱冠後迫於家政遂不暇理舉子業先是明季遇亂家道兩然至其本生祖倫登賢書後所得館穀豐盛漸致小康子孫繼之克家泊牧時產業日盛勵志讀書從邑宰嚴公課文嚴每謂大成曰令姪器宇非凡是大有作爲者而牧亦自謂聽程可立致無何世父大成逝三伯大泰以一篋付之曰此皆記簿是汝大伯交予汝者牧力辭不得乃部署一切事悉中禮如族交游皆嘆大成有知人之明而牧能不負所託也川楚例開以孫承即用適其外舅史傳遠由濟南卸任歸力阻之曰宦海難言也培性太直佐武便於民而不便於長官人貴自立耳爲一鄉所矜式如王彥方可矣何必沾沾爲五斗米折腰耶因中止而於鄉黨中有才堪

## 武鄉新志 卷之一 名賢傳

賈易者授之費亦有貧將輟讀者助以膏火夫業佃之田歸宿者與之宅凡婚嫁喪葬之費之者踵門承無弗應以故人心悅服遇之靡不改容以待邑中社中有公事經營盡畫財力兩無所吝與衆相商必求有利無弊嘉慶癸酉滑縣變權南二站兵差給繹王令設局延紳命收統埋之「事詳置郵門」時聽差者僕僕道路聞有違言差峻邑氏某誣衆紳控於部事遂上聞下撫院提訊牧喜曰吾輩冤白有日矣赴省對簿條陳出入起訖分明羣際乃息道光九年岳令修城地牧董事牧日循城上決句始一旋里日大風雨墜馬折駝少瘳即赴工閱二年工竣崇垣鞏固足資捍禦嗣後不輟出門桑亭曰知止軒朝夕其中以翰墨自娛乙未年饑從黎邑糶粟數百石減價以糶鄰村賴以全活者無算年六十八卒

### 程百里

字震峯西渠村人父騰揚精騎射而試輒不利百里入塾四五即令仍肄武事年十八衆中校射發必中鵠風標玉立有祭遵雅歌投壺氣象一試不售仍從師讀嘉慶庚辰入武庠後連丁內外艱葬畢餘薄田數十畝不足供食指遂無意進取而終以不獲誦讀爲憾乃謀就村塾爲童子句讀師一館中文武並授邑中以一人兼文武師且卓有成效者百里外無兩人也道光甲午乙未間汪學使案試沁郡有幼童默寫十三經一無僞誤甚蒙嘆賞即其長子起鳴也次子展鵬十數歲時五經亦默誦無遺又親教諸孫於五經四子書俱能成誦堂姪步堂六歲失怙教之讀如教其子凡子姪散開筆爲文俱令愛業於邑拔貢郝廷魁遇食物新登必先送之郝嘗病瘡延醫奔走晝夜無間郝感泣曰震峰真忠難友也因益盡心教其子姪百里處蒙館三十餘載授徒百餘人能誦五經者數十人以默經人泮者有沁郡白受采默十三經者起鵬外有同邑李彥芳邑進士李重華嘗詢其督課法曰吾必使勤於背誦只是立志耐久不辭吃苦耳李深嘆服之起鵬嘗言幼時乃翁晝耘田夕課讀其後挈兒坐地畔戒令誦勿高聲恐爲田間人嘲笑慮書無善本於爾雅周禮等書日檢查數百字不厭煩潛玩各書傳註擇簡明者易於土誦令童蒙易解晚尤愛讀史問論古今得失嘗題座右二語平生守拙無他術到處逢人勸讀書可以知其志矣

### 史嶷

號九峰東田人少孤喜古書及時文詞入泮未幾即業舉子業用力於聲詩舍而咀之醇而後肆從伯叔宦遊歷齊魯下江湖山川奇險皆以助其文章歸而結茅東田幾四十年讀書茶甯與古爲徒邑中文壇老宿及四方

遷客騷人爭式其廬而與之上下其議論邑侯張荷斯謫官游北觀山人張翼蒼尤稱莫逆嘗各出其集待裁定焉疑自爲文幾等身邑中碑銘傳贊多出其手而嫁以他名志在於隱故也

### 范士熊

字桓一號悅山晚號瘦寒吟叟世居城內信義里年十一枯特俱失仲兄命遂至徐氏撫之每讀表詩則泣下事兩兄如嚴親二十年曲盡弟道兩兄相繼歿有哭兄詩誦者莫不歎歎仲兄無子以其長子諸生名晉嗣之徐

氏卒命嗣子爲之成服喪葬如嫡禮平居訓子弟曰與其貪污而致富不如清白以安貧家不中費親友急難竭力周卹某村乏井割己田鑿池村人沾足償地價不受執友某卒有遺貲子少代爲經紀十數年人以爲猶某存也貌清癯言規行矩昭冥以之往來皆端人甜士自奉甚約而客必隆禮盛饌遇人有過藹然勸誡悅服改悔者不可勝紀道光年間大修學宮兩廡神牌後齋有座屏書其事實年久漫漶無存精心參考經史正誤補缺一一重書事竣繕成完本家藏待刊邑中孝子節婦年久慮將泯沒邀集同志採訪申報資斧獨肩貧乏者力贊成之自弱冠補諸生後兩試有司不得志遂絕意進取而專攻於詩凡所閱歷靡不以韻語出之嘗南下大行望黃河渴梁公望雲處指點盤谷李愿故居尋孫登嘯臺康節安樂窩故造詣益深遠值歲暮大雪呼童擁帚探梅月山書士貌其真雪色花影間披褐亭亭見之者以爲襄陽伴侶放翁化身也一時遐邇俱翫詩簡不絕有不遠千里而請質者客草懷代人選刻亦眉吟稿亦浦詩草遺興樓詩范氏同懷詩助刊程林宗文編詩草選刊清代邑人詩十二卷顏曰南亭詩鈔自著瘦寒吟稿魏守經孝廉選二卷爲刊附後又著有嘔鳴求友集十二卷詩法訓蒙訓蒙格言若干卷未刊晚年習靜樂假山書室旁編籬種竹嘯詠其中雖居城市遠絕器塵平生遇邑公事必強致而後至至則侃侃而道守正不阿同官皆敬禮之暨與修城及權南兩驛兵差不憚勞瘁不費公中一錢嘗有句云居心要質天無愧舉步常留地有餘咸豐元年詔舉孝廉方正邑紳或屬意力卻之同治元年衆舉前事弗令預知翕然具呈知縣梁大鵬致諭鉅增圭旣爲中薦而後德恩赴省方伯鄭兩次延見暢談移晷沈學使手書楹帖帝命勞求推正七邑傳新詠集名賢句贈之旌以老病辭不赴部二年十二月辛年六十三歲寄輓詩者三年不

## 武鄉新志

### 卷之一 名宦傳

三七

絕

以上續志人物

### 郝邦儀

字鳳韶馬牧村人明季明經齠齡就外傳讀書識大義初補博士弟子員旋食廩餼其學益進遂于經史慷慨作典朝佐命邦儀則黍離黍秀惻然興懷願以明之遺逸終誓不薙髮潛隱土洞中足跡不履城市者十餘年嘗賦詩以見志有但

云類可斷敢謂髮容傷留此歸泉下隨規見我皇之句忠孝之性溢於言表於以知明清鼎革之際邑士尚有守夷齊之節者爰記之以爲康頑立懦之一助云

### 籍文學

字魯風號溫館晚號迂叟松莊人幼嗜讀聞有大志弱冠食餼道光甲辰舉於鄉壬戌大挑一等籤掣浙江時

幕府委以轉運事宜文學相機調度訖無失時不數月而杭城克復以勞績特加知州銜嗣因費用不充力請改教還鄉歸署太原教諭嗣司鐸太谷爲文學舊游地文章經濟人所夙欽多士景仰服從惟恐弗及文學亦樂與成就之襲學憲考太原府屬教職榜次不論係綱特拔文學第一其見重如此後推升卓異任汾州府教授授其獎進士子亦如在谷時太守知其廉幹委兼督河工文學課士之暇巡行河時寒暑無間卒以年老事煩罹疾告歸未幾卒於家年七十有三文學孝友性成事親色養備至日與胞弟極學怡怡一堂晝夜功苦聲蜚遐邇人以難兄難弟稱之性又淡於名利歷任所得薪俸不爲兒女計悉以購書見所未見者雖重資不惜其在浙也雖軍事孔亟暇輒與名人巨公詩酒唱和縱談古今忠孝大節頗極一時之盛著有浙水紀事藏於家子書盛慶慶生孫繼華不遠教諭會孫福田潤田俱區長勤慎慈和卓有賢聲人語爲克紹祖風云

### 魏高陽

字慕愷號晴樓韓壁村人少從王莘菴先生學性凝重不苟言笑而於業師詢問時輒侃侃直陳具傍若無人之概齊輩咸異之童年入邑庠文名噪甚咸豐辛亥年二十三舉於鄉歸而益肆力於詩書雖生長豪華而儉約自

奉逾於寒備與刈陵名士王子蕃昆仲相友善唱酬無虛日高陽有我輩相期收實效人生最怕受虛名之句可以知其志矣嗣補  
尚城教諭屏奢華却例遺以身率教一邑人士彬彬向風四鄰境土匪猖獗高陽助邑宰壽防禦之策凡所學畫悉中肯要百姓賴  
以安堵屢以歸養乞休不許逾年卒於官年僅三十有八著有知止軒吟草

### 史紀

字廷石號竹軒東田人童年以能文名弱冠歲於庠中咸豐乙卯舉人授馬邑鄉訓導馬邑自廢縣為鄉屬字久  
傾紀至披荆斬棘修茸一新興學課士文風不振鄉民遇有忿爭亦來就質紀為判別曲直剴切勸導罔不治意  
而去在任二年致仕歸設學授徒誘掖循循深為士林所推重門下列賢宮貢成均者百餘人年近八十卒

### 李金鼎

字其九西堡人清歲貢生以義辦賑務獎叙軍功六品銜夙承庭訓穎敏過人年十六補博士弟子員旋食廩餘  
文名藉盛時魏一泉先生以文學號召後進金鼎遊其門深為器許願應膺秋試數奇未售同治庚午科卷已入  
殼仍以額滿見遺同人咸為惋惜金鼎則處之夷然以高親年邁遂絕意進取性至孝親病呃逆躬侍湯藥衣不解帶者月餘本伊  
川事親不可不知醫之旨精研醫理鄉鄰求方藥者應手多奇效讀書務明體達用不斤斤章句之間嘗訓其嗣曰讀聖賢書貴在  
立品若枯勢騶張武斷鄉曲則名教之罪人也每見近年士子一入庠序便自高身價服用侈靡以致用度不充墮名敗檢為鄉里  
所詬病者比比皆是廉隅不飭而欲異日為清白吏得乎語云儉以養廉爾等慎之躬理家政絲粟不妄費而於戚友緩急則解囊  
慨助無吝邑無德色天性方嚴遇浮蕩者而責不少貸人多感而化之光緒丁丑歲大饑往來市鎮望粟周瞻賴以全活者甚衆邑  
侯吳書年延襄賑務金鼎數戶口給賑糧自備食用不費公家一錢事後無營營者其德望之足以服人類如此

### 李方華

字仲實號石屋下北漳村人弱冠補博士弟子員時嚴親春秋高倦於勤委以家政未幾父卒遂不復志進取願  
天性嗜學得暇輒讀書喜作草草古勁峭削有考亭遺意嘗以禿筆濡水書粉牆作徑尺大字新構屋成戒  
勿至日持散筆泚毫水濡染淋漓縱橫揮灑氣薰蒸至於染病不懈書法絕佳而不自吝惜有求者罔弗應故其筆跡所在多有

## 武鄉新志

### 卷之一

#### 名宦傳

三二八

焉至急公好義尤其特長光緒丁丑大饑邑侯吳奉憲檄勸捐助賑方華首倡捐不少吝款既集議購糧於蘇漕時飢民載道劫掠  
時聞吳議道紳往衆有難色方華毅然曰中野鴻嗷且夕填溝壑及今囊資往滄慮轉運艱難緩不濟急如復畏難遷延是坐視其  
斃也吾富不惜一身以濟萬姓請行矣吳高其義遣之往視行召其鄰里而謂之曰若有所需當告我我貸若年鑿若償我乃第其  
等差立券與之衆皆踴躍有泣下者未幾購糧歸吳及州守均額其門以示褒嘉先是其母劉周急濟困鄉人德之方華一稟慈訓  
舉凡宗族故舊寒賤獨往往解囊慨助毫無德色而自奉則布衣蔬食與農氓雜苦持存錄於炎天烈日中如是者以為常嘗手  
書先正刻於已為儉儉於人為刻二語於座右其志趣可想而見矣晚年望益隆邑宰有事必延之咨度方華深自摛抑非公不至  
未嘗干以私鄉里爭訟輒為排解族事社事加意整飭費不足則以私財助之以襄辦賑務獎布政司經歷年近七十卒

### 段曉雲

字書五東村人天資稟穎氣宇軒昂年十七郡試冠軍旋游泮師友多以大受期之顧家改紛繁不克專攻舉子  
業且性不喜帖括得暇輒讀史漢大家文學以精進奮協同鄉先輩助邑侯張石施修葺山書院經營規畫備  
竭心力時鈕松齋廣文范桓一孝廉每相勸曰以君超邁之資曷可久困於鄉宜與天下賢士大夫游以博見聞異日得志國家棟  
幹選也曉雲感其言第以家務牽纏遲遲不果行迨十甫田稍長適議叙游加至分部郎中乃赴部引見籤分兵部職方可行走大  
為參官所器重委兩江甲幫辦記功所行走嗣以繼母買構心疾請假歸省時值丁丑大饑邑宰吳書年聞其歸特遣商賑恤之方  
當日倉廩頗實而吳以未稟上憲猶豫不敢發曉雲曰救災如救火稍緩則不濟當勸關心民瘼先賑後報必不至遭駁斥吳從之  
會忠襄公圖文介公方主賑事聞而嘉焉吳以是益心折曉雲襄辦賑務綜撥收發不避勞怨並慨捐五百金以為諸富室倡事竣  
勞績上聞加給四品銜年近七十卒

### 程硯祖

字遠齋司空啓南九世孫性孝友好讀書年十六失怙母郭為延師教讀俾繼學業硯祖刻苦自勵倍於尋常每  
歸自塾輒依依母側談述家務不命之退不遑也無何母疾革執硯祖手而訓之曰吾家自司空以降授職科登

顯宦者代不乏人天之所以福吾家者亦云厚矣汝以家務無身未克成名九熊畫荻吾甚愧之但望汝以孝友恭謹自勵即所以承先志而慰親心吾不云乎惟孝友於兄弟施於有政是亦爲政正不必拋却白紵乃可謂之利市也遂卒視祖誦哀號水漿不入口者數日經鄰戚苦勸乃節哀治喪殯葬如禮旋充麟山書院經理出納分明絲毫不苟時主講張樸齊孝廉嘗語人曰程公君子也吾目中所罕見光緒丁丑戊寅連歲大祲邑令吳敦請襄辦賑務不著勞績事竣蒙朝廷詔授儒林郎以直隸州州同候銜晚年益振抑謙和惟恐不及嘗於薄暮返室見什物虛捲一空聞案下有人聲呼之出則所識某書生也家人欲執之視祖曰此某先生也豈梁上君子哉遂之別室食以酒食而謂之曰此非吾輩所爲一經發覺不止貽君羞且爲儒林玷如因乏何妨明告書生津津汗下慙懼而去族叔家于貧不自給割田百畝使之耕種不責租粟族姪世兩歿無葬地適視田有地三畝可作葬慨予之不取值其碩量孔德類如此歷任邑宰於邑中公益事務必延請諮詢視祖不違衆亦不阿衆悉心籌畫務歸平允而後已邑候會匾其門曰公正和平光緒甲午冬驟疾命取佃戶欠租簿據及其他債券悉付之火謂其子曰吾不願汝曹向人索債也又曰勿以善小而爲勿以惡小而爲之斯言耿耿吾曹不去於懷勉汝曹勉之勿使吾家累世清德至汝等而不保也遂二載卒年七十歲

### 李華炳

金鼎子字少九一字文園號樸菴七歲入塾不數載於九經諸史悉能背誦見者奇之年十六入邑庠明年食廩

修驟起廢文風不振一時俊彥咸出其門癸卯捷南宮朝考點主事分兵部旋改學部以母魏年老棄官歸養逾年母卒華炳泣謂其子曰幸吾告休歸養得終汝祖母餘年爾稍事戀棧必至遺恨終身茫茫宦海誤人實多汝曹識之服闋後允太谷縣山長會朝議變更學制開令即改書院爲學堂以爲縣邑倡宜統初被舉爲本省諮議局議員時駱學憲其爲人聘兼充學務公所議長尋被舉爲京師資政院議員在院多所建議鼎革後乃攝院務談笑歸田民國元年任長子縣知事奉令嚴緝程章曾匪悉心偵訪務得其情既不使元惡遁法外尤不使良民罹於大辟一邑咸稱慶焉逾年解組歸先後任本邑商會會長公款局經理別冗除

## 武鄉新志

### 卷之一 名賢傳

三九

弊井然有條民國十五年卒年六十四其文章經術冠絕羣倫和舊學術固弗淹貫著有職方史略誦芬軒吟草行世

### 馮銘東

字左箴號發渠東莊人光緒庚子恩貢生夙承庭訓長人牌座以優等食廩饋家貧其不克專攻舉子業設帳授徒負笈從遊者甚衆每學使案臨其門下鮮有不獲薦者以故弟子幾遍邑中初其先世經商通負頗多銘東以

舌耕所得償還漸盡嘗有欠銘東債者踵門求緩銘東慨然曰吾一貧徹官區區早不掛齒責若債而有濟於吾猶可爲也責若債而無濟於吾何所取焉若且行吾不若嘗也立出其券焚之其高義達識有如此者三赴秋闈兩落不售遂絕意進取某科後就開題擬藝數首進呈於課師邑廣文鈕松齋先生後值進謁鈕出其文謂之曰能爲此文胡不赴試以資吾輩對鈕然作色曰子夏欲速見小利之病武人恰中之矣汝雖貧成歲中事無依助者何自暇若此銘東唯唯此可見痛爲之惜矣生平謙恭摛抑逢人必先揖而後語里人有爭力爲排解不使成訟卒年八十有四鄉里迄今猶稱道不衰

### 馮瀚清

字月溪號靜軒恩貢生銘東子幼擬重寡言笑見者多疑其變稍長父教之讀慧殊甚九歲時嘗有痘醫某以黑狗咬白狗戲令屬對應聲曰火龍鬪水龍鬪大奇之謂其父曰此子非常人也將來必能光大門閥弱冠入邑庠

旋食儲文名播遐邇而瀚清益自攻苦居恆不出戶庭偶一遊眺見有婦女處輒避去或繞道而行其廉隅自重率類此性至孝時祖母春秋高每以家貧不得甘旨爲恨因父子各設塾授徒藉博微薪光緒己丑邑宰湘中李筠仙叔邑士優秀者入署課讀給以膏火瀚清與李華炳段雨田李壬林等俱列門牆而瀚清尤邀青盼蓋重其器兼憐其貧也光緒癸巳領鄉荐邑令王公聘主講山書院講席課藝暇輒以道德勵後進日與王公詩酒往還未嘗干以私曾有放足功令瀚清力爲提倡並作天足歌以破積習之迷邑人爭傳誦焉甲午之役我國喪師失地瀚清聞之不勝忿恨慷慨激昂逢人輒道蓋其忠義之氣發於天性有不能自己者使出登仕版其設施當莫可限量無如天不假年僅四十一歲而終人盡惜之生平以道學自任著有寡過未能齋日記博笑集詩稿釋迷啟

# 段雨田

字公甫一字潤生號椿菴清陸軍部郎中曉雲長子幼承庭訓讀書務會其通不斤斤於章句弱冠文名噪於庠序間旋成饒士光緒壬寅登賢書秉鐸化以振興文教為己任學政劉考十七屬教官擢取第一時晉省創辦大學執教悉當代名流雨田承富軸調委為大學齋務長熱忱將事多士翕服會爭礦事發生人多懼於外族勢饒若寒蟬而雨田則據理力爭侃侃不撓眾以是服其膽識既而任學務公所科長被推為諮議局議員資政院候補議員歲辛亥聽鼓保陽奉委攝南皮縣篆將之任適丁內艱乃歸里民國肇元曾一宰浮山以土匪猖獗未竟其用而返民國七年膺省議會議員任會多所建白蒙省長閻保舉為荐任職改選後充督軍府參議尋退而家居於邑中公益竭力襄助先後充商會會長公啟局經理經營籌畫務期周詳繼任者踵其成規咸相稱便生平倜儻豪邁卓爾不羣而遺大投艱不辭勞怨尤有過人之處嘗被選為第三屆代議士惜國會未開莫能大展其用論者未嘗不重其人而悲其遇也民國十七年卒年六十有四

論曰東漢崇獎儒術名流稱最此人才由於鼓勵也而予輿氏曰豪傑之士無文猶興士果自立發名成業任人自為豈盡關乎時代哉武雖僻壤名人賢士後先相望出則樹偉績於國家處則留芳型於鄉里學問事功昭人耳目視他邑何多讓焉彼有作者宜如何奮發而興起也

## 武鄉新志

### 卷之一

#### 名賢傳



# 文儒傳

儒者立德立言騰聲茂實大而範古鑄今扶輪大雅小而揚葩奮藻著跡一方不然負斯文矣雖一郡一邑之微操觚者何止千萬然足以壽金石而傳不朽者惟貫於道者能之故儒者之見重於世謂為在其文不若謂為在其行爰就邑中近百餘年來稱珍席上而無愧者綴而成篇一以彰往一以詔來作文儒傳

## 魏鸞翔

字儀廷號魯齋生有異才過日不忘十二齡補博士弟子員旋食饌學使戈仙舟陳鍾溪皆以大器目之幼時值咸驚異之其隨中留心如此素敦交游與邑孝廉王鍾俊武揚休諸人結詩文社唱酬無虛日工而敏日可成數十蒸屢薦不售年二十九乾隆己亥始得登賢書邑人程林宗愛其文謂人曰吾邑鄉會文出清奇高古作者原不乏人求所謂疏瀹性靈可補入註疏者儀廷公一人而已丁未歲借王鍾俊赴試禮闈場前王遇江南鍾生出僻典百以難王氣頗傲睨王密詢之鸞翔為條舉以對且曰吾儒宜早以自牧何可矜己而傲物也王錄示鍾鍾奇之歎為山右名士而不知其實出於鸞翔也惜生平著作散帙無存所見僅武鄉建置沿革考及重修南山廟記二篇而已

## 趙昌業

字敬哉一字肄園父擴由孝廉任榮城令為人詩酒風流不崇勢利昌業少嫺吟詠長而博涉羣書克嗣家學弱冠補諸生食廩饒王樂山先生之宰武鄉也以斯文號召後學四方博雅之士多歸之昌業與焉嘉慶庚午先生

# 武鄉新志

## 卷之一

### 文儒傳

分校首闈有鄰房持卷來商先生德惠廣之果為主司舉節擬中第三已而二場無卷卒屏之榜發啓封即昌業卷也蓋以二場後聞計歸矣後昌業久躋棘闈益肆力於聲歌往往濁酒半壺闊論古今有韻之文上下千載幾不知人世間何事足掛齒頰人聆其丰采未嘗不悲其不遇也大抵昌業之學以文選為門徑詩初學西崑體體態麗出以蘊藉亦時時染指於溫飛卿韓冬郎既見劍南集裁對工雅有獨出冠時想而昌業之詩亦於是乎成矣文則六朝排偶中高置一座晚愛陸賈公奏議圓暢流走直能呼之欲出嘗謂人曰又以擬賦設色為工粗疎淺陋果有當於古人否耶以此自勵亦以此教人云家茶貧舌耕謀生終其身如一日道光甲申例得貢於廷而時逢加恩以歲貢為恩貢生卒年五十八有詩八百首無卷數名號未成帙也其成卷者曰潛居瑣記課餘草凡數種

## 程林宗

字泰卿一字介山先世明末顯宦五世祖康莊世所稱崑崙先生者清初以文學起家林宗承家學弱冠補諸生食餼賦輒冠軍應鄉舉十五次屢薦不售嘉慶癸酉學使周始以選拔貢京師未遇而歸道光辛卯病暈乃絕意

名場以詩文娛老生平著作甚富其成帙者孟子醒批史記文津左傳瓊林崑崙年譜司空家乘介山文編驚鄰詩草凡七種名其集曰麟趾堂幼穎悟童時授大學問子程子作何解塾師以尊美解之曰子朱子亦可乎塾師奇之長而善病喜讀書支枕之餘不廢涉獵嘗以傳人自期人咸迂笑之與同輩談縱橫跌宕嫵媚動聽下筆甚敏若陳同甫之推倒一世若蘇玉局之一瀉千里間為韻語抒寫性靈而不欲以烹鍊見奇雲南王樂山崑崙武鄉林宗為門下高足樂山卷軸麟陶林宗得借觀領其緒論詩文乃益歸於醇樂山屬望甚遠謂友教四方未有如其精進者性不喜為人師而遇人輒訓常曰吾生平知無不有言無不盡解人可索即此當授受也既不得志居家遇事井井有條同邑紳補梁城垣邑令岳方亭維城亟稱之曰以君之才南而郡縣循吏可無愧也又贊其文集有云其靜則秋水澄潭魚龍隱見於其中也其動則雷電交作而風伯雨師為之馳騁也其叙次則龍門之潔淨而風神則

六一之懶石也。至於議論獨出不拾前人唾餘。則胸有智珠。故筆具鐘錘也。晚年杖履優游。過田夫野老。亦嬉戲淋漓。嘗預作輓聯。曰：生平富貴原無分。身後文章合有名。咸豐二年卒。年八十歲。

### 王夢聘

字莘菴。道光乙酉拔貢。著所吟偶存詩稿。家世讀書。先後登孝廉。拔孝科者。屢貧而力學。舌耕生邑。令王樂山。崧深器重之。其行實難軼。而不傳。然當日聞者。生慕見者。生敬愛。亦儒林中。亦見者也。並著有古近體詩一百首。悉載南亭詩鈔。

### 魏守經

字亦權。號一泉。父三汲。敦行精學。小試屢拔前茅。而終不得一售。孝謹廉謹。見稱閭里。村人貸錢。貧不能償者。輒焚其券。地隣某。誣其侵界。不與較。割地一畝讓之。類於論五十二歲始生。經守經幼承家學。穎悟過人。終朝讀他人數日。不能及。年十二。文名已大。噪十四。入邑庠。科歲試。連冠軍。列優等。七八次。而無缺。廩二十七。始食館。歷任學使。皆許為。屬第一人。中江。濟方亭宰。課士得其文。大加款賞。謂書雲可立致。道光壬辰。督賢書第九。典試。張鏡。四深器重之。邑令聘主。韓山書院。講席。邑人士皆欣然。慶得師。再上公車。不得志。甲辰。謁選。未見收。於吏部。聞中文已擬中。而卒。以額滿。見遺。自是遂無意進取。而授徒。自給四方。之以詩文。就正者。戶外屢常滿。口講指畫。蠅蠅不倦。略得其殘膏。膠馥。無不騰達。以去。晚年就館。昭餘親炙者。皆憾不獲。早奉教也。已而歸里。講學家。熱之心。稼樓沁。邵守延為銅鑿書院長。以疾辭。為人平易。不立崖岸。而清修自好。非公不至。有灑臺子羽風。性嗜酒。喜吟於學。無所不窺。而尤深於詩。曾刊其悔不讀齊詠史詩百篇。不脛而走。古近體詩二卷。刊入南亭詩鈔。未刊者。有南亭竹枝詞。悔不讀齊試帖詩古文制藝。各省成編。並雜著課幼緒言。學詩初機。二帙。同治元年七月卒。年六十一歲。

### 李重華

字伯香。號素園。父企英。增生隱居。授徒成就。後學其業。倡修李氏宗祠。族人始知向學。重華幼承庭訓。苦志讀書。為文奇特。不徇時尚。道光己亥。舉於鄉。乙巳。成進士。以親老。苦近分。署直隸署容城。後補新城。令半歲。丁內艱。歸。重華履任時。甚少。而奉委。審案最著名。始至容城時。多盜。重華勤於督捕。盜皆斂跡。其補新城也。念其地處衝要。為之平其絲役。除莠安良。民皆喜曰。李青天來也。性廉敏。善斷。尤能曲體人情。故人亦以情檢之。年五十一。而卒。著有淨塵菴記。

## 武鄉新志

### 卷之一 文儒傳

四二一

以上續志文苑

### 李中敏

字灼先。號蓮峰。西堡人。思貢生。能文章。尤工行楷書法。以稱承旨。為守而並出。以稱意。自成一家。嘗為同族某書。誌為中敏。手書并索之時。中敏方自異縣解館。歸留城中。友人家人欲匿之中。敏不可。毅然以出。曰。死生命也。烏可以匿。免遂就執囚車。就道至徐溝縣北門。遇赦歸。相傳。墓記既經。進早。清高宗見字。憐超絕。頗加款賞。使中敏果。至京師。當能名。勳及卿。故論者咸喜其中途得赦。而惜其遇赦。竟返也。

### 李甡

字瞻林。西堡人。幼聰穎。異常兒。市能言。即多驚坐。語一時。以神童稱之。七歲入塾。師誦四字書。館多。愚昧不甚。解牲醴。視啞然。師叱曰。若笑胡為者。若豈能解。是耶。訊之。則朗然為老。生談理。無一嗚。嗚狀。十歲學作八股文。能暢所欲言。十四歲以第一名入。膠庠。晉陽書院。一時交遊如。興。康。基。田。庚。其。淵。文。水。王。鍾。健。平。定。李。珍。聘。太。谷。任。瑤。杜。憲。忻。縣。馬。騰。蛟。汾。陽。彭。騰。萬。太。原。石。煥。皆。當。日。名。士。咸。相。推。重。順。康。王。諸。君。後。先。登。甲。乙。榜。或。至。方。面。而。甡。則。在。廩。三。十。猶。淪。落。不。偶。意。以。青。衿。終。身。予。之。才。而。斯。其。遇。天。之。生。人。於。甡。益。有。不。可。解。者。可。慨。已。

### 魏大履

字仲坦。乾隆庚子舉人。父倫。以文壇耆宿。名噪三晉。大履承家學。以詩文馳聘。一時碑銘傳記。多出其手。其他著述亦富。惜多散軼。不存。生平意氣豪邁。篤於孝友。常與一兄兩弟。怡怡一堂。時或提帶挈。舊約友。偕遊。分韻。疊和。樂此不疲。雅人高致。鄉里咸嘖嘖。稱羨云。

### 魏教

字化成。號西園。嘉慶辛酉舉人。揀選知縣。隱居不仕。設鄉塾。課諸學子。多所成就。邑令岳方亭。耳其名。與充兩席。教其少子。世仁。後世仁。提南宮。入翰苑。奉命督學山西。武鄉士子。多蒙拔擢。論者謂教以經師兼人師。岳氏功名。教實有以成之。非故為阿附也。

### 魏鳳書

字炳廷。號丹崖。拔貢。祖之子。太。原。縣。殉。難。知。縣。令。望。之。六。世。孫。也。嘉。慶。辛。酉。成。進。士。授。國。子。監。學。正。以。說。老。告。近。先。後。任。瀋。安。平。陽。府。教。授。修。陞。起。原。雅。音。作。人。晚。年。致。仕。返。耕。設。學。徒。成。就。甚。衆。

**魏獻書**

字俊三號觀廷道光己亥舉人吏部徵取知縣以勳捐蒙獎光祿寺署正銜性雅靜家居不仕以時藝號召後學誨人若親其子弟孜孜不倦門下貢成均登賢書者多所成就一時有桃李公門之譽生平端謹耿介邑有公事明府邀請至再然後往至則隨分盡職期於恰當而後已他事不與焉以故邑令咸推重之著有綿山詩草俊三文編

**魏簡書**

字仲廉號雲館少有文名年十五應童子試州宗拔置第一旋入泮成龔士博極群書尤精左傳時有左編癖之稱顧久蹟閑場屢荐不售道光乙酉科卷出山左曹森門下大加賞識副主司擬中元因與正主司意不協竟被黜曹因獎以匾曰孝車圭璋子辰鄉試闈中與門人郭熙同號簡書首藝成不甚愜意乃以昇郭而精心結撰另構一藝榜放郭熙獲焉而簡書仍見遺丁酉成副貢同人咸賀簡書曰吾以貽簡之質謬為師友所稱許夙知科名不足輕重所以僕僕而不自休者欲為知己者一吐氣耳乃文場中屢戰屢北所獲僅一副車賀我者寧不增我愧乎語畢慨然後竟鬱鬱齋志以歿年四十有五著有爾雅註釋太極圖考易經講義

**張錦心**

字樸齋號織雲舉人咸豐戊午科舉人晚年授曲沃縣教諭卒於任生而天資瓌異嗜讀如命經史子集過目成誦童年入邑庠登第後名馳三晉先後充遼縣暨木邑書院山長嘗為遼州牧進士王錫銜所器重飲食衣服以時餽遺不少缺出其門者多以科名著稱遼縣翰林劉秉鈞進士劉麟翔邑進士李華炳孝廉馮瀚清段雨田皆其高足弟子也生平著述頗富惜多散軼不存其經術文章為邑中近百餘年來所僅見故學者一經陶鑄咸能登黃甲入詞林揚葩奮藻激昂青雲顧文惜命遂僅以一學官終身吁可慨矣

**王先疇**

字壽田拔貢夢曉子幼承家學文名藉甚早歲以冠軍入膠庠旋食廩館與兄先瀛相繼拔萃科大為某宗師所賞識有大宋小宋之稱生平實行務敦以孝友廉介為旨歸詩文瀟灑絕俗匠心獨出著述頗富散佚殆盡所傳僅四景吟數首而已

**李秀良**

字仲房蘇峪人同治丁卯舉人幼以孝友著聞鄉里繼母多病呻吟牀褥秀良朝夕侍側中稍廁輪親為滌滌濯沒後哀毀骨立凡事必於木主前稟命而後行終其身如一日嘗有句云寄語人間不孝子青燈黃卷枉徒勞誠

**武鄉新志 卷之一 文儒傳**

孝之懷溢於言表矣後科後館太谷杜太史瑞凝家為放其子姪悉以成名尋返籍主講隸山書院文章經術名重一時年五十餘卒于癸弱冠入邑庠事母至孝人咸謂其能廣孝思於不匱云

**李承恩**

字桐卿下司村人少承庭訓讀書不輟為文維偉高卓性復淵靜縝密於事不苟毫髮生平不妄交遊惟與范士熊王先疇諸名士日相砥磨學問益邃以老諸生授徒於鄉僻間者數十年口誦手削屢焦筆秃至於老髦不少倦清成同後邑中撥科第列爰宮者多出其門

**郝茂椿**

字壽山郝家莊人幼承庭訓才識過人入庠後攻舉子業屢赴秋闈薦而不售旋理家為子弟延師教讀三子俱蜚聲庠序次子汝昌尤有才名人咸謂郝氏有家學焉茂椿老成練達遇邑中公益事輒於官紳間指陳利弊侃侃不撓其不吐不茹之概深為縣任邑宰所推重嘗首倡整頓麟山書院一切規條酌盈劑虛擘畫周詳莘莘學子得沾實益晚年雅好清靜而登門求教者猶日不暇接鄉鄰有牙雀之爭得其數言莫不言歸於好古人謂士苟存心於利物不必濟以財物即分齒牙餘芬而士民亦得蒙實惠茂椿其有焉

**范名夏**

字西懷號達溪附貢生光祿寺署正銜諳達世務人望蔚然歷任邑宰咸雅重之有事必延請咨度名夏深謀遠慮知無不言邑令卑書年續修縣志李若仙增修文昌閣名夏實助成之光緒丁丑襄辦賑務勞績不著事竣蒙朝廷獎給五品銜

**范乘驪**

字德輿號瑞菴光緒乙酉拔貢兄探驪同治癸酉拔貢伯仲齊名人以難兄難弟稱之乘驪才華豐贍英姿魁岸下筆如行雲流水數千言可立就每一藝成輒者咸為昨舌嘗授徒講學問奇者屢常滿戶外惜天不假年未四十而卒

**李壬林**

字二酉一字六符號禮泉布政司經歷方華長子光緒丁酉拔貢幼嗜書讀輒有得為文不屑以帖括自囿凡經史子集以及金石書畫占驗諸書罔不通曉文名與同邑李華炳相埒嘗時有二李之稱刻苦自勵往往漏三下

猶擁被攤書父慮其過勞時加訓戒辛不少輟性平易近人善辯論雖以談諧衆莫屈其鋒然謹慎自持非相知不妄發言引鏡自傷不壽還貞成均後不敷載竟卒人謂爲積勞所致不知其實有不解之憂蓋母崔棄養時于林方應秋試父僅以微恙告之迫聞後歸來則母死已半月矣撫棺擗踊一痛幾絕經鄰戚相勸漸進飲食終以不獲侍母疾爲恨哀毀成疾遂以不起著有二酉待董草

### 馮 賡

字殿颺東莊人光緒庚辰恩貢少靈敏篤學游庠後設帳授徒以謙和攝抑自勵即以教人課子姪尤嚴而命耳提指導諄諄即一步一趨亦必使循規蹈矩邑人咸稱馮氏有家訓焉其後世人文蔚起庶實啓之賡又精岐黃術求者接踵于門輒爲診視不詔富不憎貧得其方藥者罔不立愈光緒丁丑大祲邑令延襄辦賑務竭力贊助活人無算時黎城毗連邑境處飢民騷動搶劫時聞村人亦謀相應爲亂唐阿禁之乃止無何黎之亂民伏法村人相慶曰微馮公我輩羅法網矣卒年七十有三至今人猶樂道其生平云

### 趙澄恩

字子榮墨鏡人少好文名弱冠入邑性淡泊不求仕進不事家人生產工書法尤善繪花鳥山水一經渲染綽有生意趣嘗設帳於遼縣之石匣村暇輒揮灑淋漓斯夕罔懈每出一幀士林莫不珍之

### 趙椿年

字鶴齋郭家溝人歲貢生好學深思博通經史嘗設帳授徒教人必推明性理精義灑洛主旨而歸與身體力行稱之生平務儉約寡嗜欲言規行矩克己功深逢人每語以立身持家之道滔滔不倦鄰里薰其德而相率爲善如居鄭公鄉焉

### 籍鳴盛

字繪亭松莊人少刻苦讀書專務精純初入邑庠繼補增生事親能孝失怙後奉繼母尤和顏怡色非定省後不入私室數十年無稍懈雖貧非義財一介弗取持躬雖直不立崖岸澹泊謙和琴菊自樂有程伯淳陶靖節之風其爲學愛研性理兼究天文推步諸術因迫於家境設館授徒循循善誘經史外兼及數學理化等科開一邑風氣之先出其門者率率磊砢英多爲世所重云

## 武鄉新志

### 卷之一

#### 文儒傳

四四

### 曹 錦

字雲裳一字書堂廟嶺村人光緒庚寅歲貢少聰穎嗜讀文思雋永弱冠領於庠每科歲試與兄鎮互占榜首人以自給清季襄邑暨邑中優秀之士半出其門民國初先後充第一高等小學校長教育會會長熱心毅力成績卓著尋被選爲村長循分盡職深爲省長閻所褒獎年七十五卒生平著作頗富惜多散失存者有謙福堂遺稿及雜記數種

### 程先民

字午橋信義人歲貢生少貧游於平適爲館值暇則從師課讀輒有得恆終歲不一歸鄉鄰罕識其面入泮後始知名嘗設學授徒館穀甚廉貧者或竟不取修費恆語人曰天下之最苦者莫如貧貧無以學者其苦尤甚吾不忍及吾身而坐使其後學也聞者歎服在塾誘掖獎勵孜孜不倦從者如雲成龔士貢成均者數十人頗極一時之盛年六十餘卒於家

### 李步青

字梯雲邵渠人幼稟賦好學甫成童四子六經背誦如流旋補增廣茂才學問益臻純粹所爲文典懋醇雅不失先民矩矱顧蹟於秋闈屢荐不售士林惜之家貧藉舌耕以自給教人於嚴厲之中加以慈和學者咸心儀之年六十餘卒門下士如楡社李天祥昆仲文章經濟名重一時咸謂步青之遺澤孔長云

### 籍紀盛

字朝綱號逸齋恩貢生修學長子少孤事母至孝性溫和寡言笑食儉後以艱於生計設館授徒因才施教俾各充其性靈出其門者莫不斐然可觀諸弟亦賴以成名士林仰之若泰斗從而就正者肩摩踵接紀盛一一指授無倦容生平循循儒雅從未以疾言遽色加人母病斯夕不離左右母歿哀毀逾恆里人稱之從兄純盛貧且病奉之至家醫藥飲食悉心供給病痊乃去了無德色年四十卒人以未竟其用悼惜不忘云

### 魏錫鈞

字子衡號西山世襲雲騎尉歲貢生亮生之子孝子介生之嗣子也生而聰悟三歲失恃賴本生繼母撫育成入冠入膠庠旋食廩餼蒙錢宗師題請兼襲雲騎尉錫鈞益自惕厲惴惴恐墮祖德從孝廉張錦心先生遊母心於六經暨八大家之文有暇涉及書畫罔不精絕願五赴棘闈兩薦不售無何科舉廢援例成貢分發委用訓導見國家多事遂絕意仕進於邑中興學

儲君事務多所襄助屢為撫憲所嘉獎宣統改元詔舉孝廉方正邑人均屬意錫鈞錫鈞婉言謝絕不敢受民國肇造劃區編閭武鄉原擬劃分五區以錫鈞習同邑紳上書刀爭得減而為三民警攤款過鉅錫鈞又與邑紳等呈明地方瘠苦款賴以減邑人至今道以猶稱頌不已生平嗜讀如命書藉多手目抄錄皆加批四子全部詩經全部所著有下里吟詩集知不足齋詩草洗心社論等民國七年歲杪無疾而卒

### 王全珍

字聘之神南人歲貢生鄉飲大賓年十三通經史食廩後迫於家境遂廢舉子業設帳授徒從遊者甚衆誘掖循循自勵冠以至髦年不少倦者有幼學津梁又集督令弟子手鈔一卷不時誦讀門下之遊泮水食廩者多得力於斯卷生平短步方行動必以禮遇後進恆以讀書立品諄諄相勸以故人成敬之

### 段樹理

字密圃臨村人附貢生年剛直有石僕士風鄉里有不平事輒義憤激昂必代為中雪而後快清光緒庚子之亂邑中差務紛紜富紳有侵漁埋理宜得真訟之官數年訟始平侵款盡退撥充學校經費士民翕然稱之嘗肄業外道法政學校畢業返籍先後充教育會會長地方自治事務所所長地方利弊罔弗洞悉並不時為鄉里口講指畫不憚煩勞其熱心毅力誠有足多者

### 魏培棠

字公南韓壁村人生有異才過日成誦弱冠錄諸生籍所為文豪邁給簿有戰國策士之風一時儒門者宿成以大器目之而培棠亦以為美梯千仞富不難扶搖而上也願以樵櫛失估恃家道中落至是窘益甚所用多取給於典質不得已輟學賦傭僕課耕每至債務紛沓避無靈其門人不堪其苦而獨處之夷然性喜交遊清濁無所失善辯論縱橫神闕往往屈其座人為人排難解紛不辭勞怨鄉人爭訟得其數語輒屈服無異詞晚年名益高望益隆自士夫以迄屠沽販豎之流以爭賃成者戶外屢常滿培棠一一延接無倦容先賢謂一命之士苟存心於利物於人必有所濟培棠其庶幾乎卒年五十有三邑令郭表其門曰萬流仰鏡

## 武鄉新志

### 卷之一

#### 文儒傳

### 四五

### 李唐

字桐初學部主事華炳長子歲貢生幼聰穎最得雙親歡又嘗抱諸膝而謂人曰此吾家千里駒也稍長從父讀居侍則必恭必敬不命之坐不敢坐不命之退不敢退山人必告誡誨必遵於以養成道備之操端方之品年十三始學為文英姿勃發才氣橫溢下筆十言立就年十七以冠軍入邑庠又名大噪而庭訓不少寬假明年成館士父主講裏垣從之往學益進庚子歲肄業於并垣令德堂旋入大學中齋習各省就拔優秀令往日本留學唐考列本省第一歸家擬攜行裝以候期不果行又嘗赴陝鄉試中途遇劫行李盡失同人譴咎勉以偕往唐曰文章當命自古已然逆而行之禍且不測今後將息跡田園以盡天倫之樂科名中不復問津矣氏國初設帳訓蒙以孝經四子書為基後進一鄉學子得所依歸母在父任罹危疾唐馳往奉之返里尋卒唐悲深風雨羸病經年嗣充本縣第三高等小學校教員以父疾辭歸親侍湯藥寢食不遑半年餘父病益篤唐彷徨焦灼致釀重疾先父半月而卒

### 武惟揚

字騰廷武家莊人歲貢生父端業以農事起家有義行諸子稍長亟為延師課讀惟揚性明敏能文章游庠後設鄉塾以教弟子多所成就生平寬和簡重淡泊寡營營撫拾古人格言集而成編題曰壽世錄時與同志數人編歷鄉村刊送經卷殷殷以勸人為善為主旨

### 李桂堂

字步蟾東皋村人少穎穎通文章年十八隸諸生籍博通經史易理尤精無何丁外艱乃慨學以理家政自奉儉約而待人必豐篤宗族敦友誼重然諾好施予鄉里貧者病者婚嫁喪葬之匱乏者踵門求無弗應常語人曰夫子之道忠恕而已矣堯舜之道孝弟而已矣人病不求耳天何遠之有又謂其子弟曰吾先輩以刻苦起家幸得小康雖一絲一縷未嘗妄費吾等庸先業享溫飽己屬非分若更相沙奢靡則罪戾滋大聞者歎為名言邑令王縉熙聞其賢遇事輒延請咨度桂堂竭誠贊助務期於地方有利無害然後已一時耆紳宿老咸相推重年僅四十而卒王令旌其門曰品重南亭

### 武鳳昌

字瑞卿號梅翁段村人恩貢生五歲失恃父同宗鞠育成人年十八又失怙以一身任治家之責處置裕如事繼母以孝聞食餼後設而授徒不復求仕進嘗充地方自治事務所所員兼第四區民警局局長潔已奉公勞怨不

辭諸子各董聲庠校爲鄉里所豎稱性剛方嫉惡如仇而於清廉耿直之士則禮貌慇懃惟恐不及以故人咸敬而憚之年六十九卒

論曰士先器識儒分人已文豈足以盡儒儒豈專在乎文哉若言行相顧文辭皆道德之華品學兼優儒修悉躬行之質斯其文非虛文儒乃真儒矣可以重儒林可以蔚國華可以式世俗豈第曰儒服儒冠而已哉

武都新志

卷之一

文儒傳